

四庫全書

史部

欽定四庫全書

史部

福建通志卷四十七

詳校官監察御史臣陳化龍

檢討臣德生覆勘

總校官檢討臣何思鈞

校對官中書臣張曾炳

謄錄監生臣劉為幹

欽定四庫全書

福建通志卷四十七

人物五

建寧府

唐

劉守謙

浦城人肅宗朝討安祿山有功授處州刺史今縣有刺史祠

童猛

甌寧人乾符間為節度副使練兵備盜討黃巢歿於陣

熊博

博父避黃巢亂自南昌徙閩有材勇尚氣節中和四年陳巖為建州刺史時州治焚燬博寓治建陽

巖卒徐範據州叛以
應王潮博遂遇害

李材

崇安人唐季屢立戰功遷指揮使乾符間黃巢入
寇材與弟械槐率所部兵擊敗之追至建陽力不
敵被擒賊欲釋而用之兄弟俱
不屈罵賊死七日容色不變

五代

林仁肇

建陽人南唐主遣人入閩募勇士得仁肇以援
壽春復濠州水寨功授淮南屯營應援使拜潤

州節度使移鎮武昌徙南都留守宋開寶初密言於
南唐後主曰宋淮南戍守單弱而連年出兵師旅罷
敝乞假兵數萬出壽春渡淝淮因思舊之民以復故
境後主懼不能從宋太祖議取江南憚仁肇時後主
弟從善質於宋乃令人往武昌僧院竊仁肇畫像懸
別殿召從善入視從善詭曰此非江南林仁肇乎太

祖曰熊近欲歸朝有表至并進此像從善密遣白後主遂配之仁肇驍勇善戰文身為虎軍中號林虎子

江文蔚

字君章建陽人後唐長興中舉進士為河南府巡官有高才與韓熙載齊名為郎時南唐禮文

草創撰述朝觀會同祭祀宴饗之儀上之後元宗遷文蔚為諫職時宋齊邱拜諫議大夫馮延巳為相魏岑亦居近密文蔚上表諫云二公移去未稱民情四罪盡除方明國典元宗惡其大言黜為江州司士文蔚既貶奉母以行怡然不以遷謫為意久之詔還為翰林學士禮部侍郎與徐鉉同掌詞命卒謚曰簡有唐吳英秀賦七十二卷桂香賦集三十卷子拯字公濟宋端拱元年進士歷典數郡有政聲以太常少卿

仕致

江翱

字公舉文蔚從子為魯山令邑多曠土亢魃連歲翱以黍稻性耐旱宜高原乃自建邑取種教民藝

植自是皆
為臚田

楊徽之

字仲猷一名儀之祖部仕閩為義軍校父澄終
浦城令因家焉徽之少通羣經尤刻意於詩書

潛服至汴洛以丈投竇儀王朴深賞遇之周顯德中
舉進士歷著作郎右拾遺力言宋太祖人望所歸不
宜典禁兵太祖後既得天下將因事誅之晉王諫曰
周室忠臣也乾德初出為大興令開竇中遷拾遺右
補闕時青宮初建命為首僚因索其所著詩徽之以
數百篇奏御遷侍御史權判刑部轉庫部員外郎奉詔
彙編文苑英華歷遷刑兵二部郎中端拱初加修撰
入對請訪求學古之士補五經博士之闕以獎人才
崇教化太宗嘉納之咸平二年以足疾請告卒年八
十贈兵部尚書徽之清介守規矩嘗言溫仲舒魁準
用搏擊取貴位使後輩習趨競禮俗寔薄世謂其知
言有集二十卷真宗命夏侯嶠取以進景祐間贈太

子太師謚文
莊祀白鹿洞

楊文逸

浦城人仕南唐授千牛衛胄曹參軍知建州倉
事調玉山今時葦葢四起文逸申教今荏苒屏

息尋加大理
司直乞歸

游簡言

字敏中建安人少孤力學徐知誥鎮金陵辟掌
文翰遷觀察巡官南唐建國歷虞部員外郎知

制誥中書舍人保大中為翰林學士禮部侍郎守職
恭恪貞介不阿元宗重之後主即位自吏部尚書遷
左僕射委以南省之事簡言躬親簿
領督責稽緩勵以威嚴察吏畏之

阮思道

字元恭建陽人舉南唐進士歸宋為史館檢討
守紹衢永三州有政聲終駕部員外郎子昌齡

字大年十七試海不揚波賦楊億稱其奇才咸平
初進士甲科知劍州有異政為張詠所知薦於朝終

殿中丞從子中慶字正甫博學邃於易知密城縣居官仁恕終員外郎

宋

張靄

字伯雲崇安人初仕周為蘄州刺史宋建隆中除侍御史太祖彈崔後苑靄請急入奏事及入奏太

祖曰常事耳何亟為靄曰臣謂急於彈崔太祖怒引斧柄擊之墮兩齒靄徐拾而懷之太祖曰欲訟朕耶對曰臣何敢自有史官出為河中府判官太宗立召還密啟裨益封事為多晚年齒落殆盡太宗賜以嬪御為具膳羞時號國老官至左司員外郎卒年八十四賜葬洛陽之尹村贈太傅子嶠字景山通判歙州盜盧絳入境與守臣龔慎儀死守太宗朝拜御史中丞累贈工部尚書岐字郊卿歷官大理出為永新令後倅曹州移瀛州卒孫傲字希古淳化三年進士歷典數郎官至工部侍郎贈工部尚書

王諤

字叔平建陽人初仕晉以蔭補將仕郎後佐宋太祖定天下累立勲勞賜錢券太平興國間遷羽林

將軍

李虛己

字公受建安人少從父寅修學廬山太平興國五年進士授殿中丞知遂州太宗嘗手書勸公

潔己奉法除姦慈受臨民字賜之歷侍御史龍圖閣待制補外真宗稱其儒雅循謹特遷右諫議大夫出知河中府累官工部侍郎虛己喜為詩與堦晏殊相唱酬有雅正集二十卷弟虛舟字公濟以虛己廕為郊社齋郎後以晏殊薦除太子洗馬終虞部郎中子寬尚書金部郎中史司農少卿

楊億

字大年浦城人雍熙初應童子科赴闕御試詩賦授秘書省正字丁外艱服除改太常寺奉禮郎獻

二京賦賜進士第遷光祿寺丞直集賢院真宗即位拜左正言錢若水修太宗實錄奏億參預凡八十卷

億獨草五十書成乞外補真宗知其才長史學留不
遣咸平中詔近臣議靈州棄守之事上疏略言靈州
朔方僻介西鄙自曹光實白守榮馬紹忠及王榮敗
後資糧扉屨所失至多將士丁男相枕而死募商人
輸帛入穀償價數倍孤壤築城邊民騷擾國帑匱乏
漢平津侯所言罷敵中國以奉無用正謂此也景德
初詔令知通政司燕門下封駁事判史館會修冊府
元龜序次體製皆億所定又同修國史凡變例多出
億手天禧二年拜工部侍郎四年復為翰林學士祥
符五年真宗將立德妃為后欲得億草詔使丁謂諭
音億不從及卒仁宗曰億有君子大節可贈禮部尚
書謚曰文億文格雄健著有括蒼武夷潁陰韓城退
居汝陽蓬山冠麓等集內外制刀筆共一百九十四
卷無子以從子絃為後絃字望之以廕歷官知鄆縣
鄆濱海絃至惡少販魚鹽者不敢為盜後以獻億文
賜進士出身通判越州歷官至太常寺少卿聚書數

萬卷手抄事

實名窺豹篇

黃震

字伯起浦城人端拱二年進士及第累遷著作郎通判遂州時朝廷給兩川軍士緡錢詔至西川而

於東川未及軍士謀變震召主者曰朝廷豈忘東川耶殆詔書稽遲耳即開州帑給錢如西川衆乃定明日而詔至後擢江淮轉運使有李溥者自三司小吏為發運使奸賊狼籍丁謂黨之震發其奸賊數十事溥坐廢而震亦奪一官及謂貶復廣東轉運使廣南歲進異花擾民震奏罷之既卒詔進官一等子瑊字公度以廕補太廟齋郎出知撫州蔡襄稱其明敏公廉官至朝奉郎曾孫蕢字仲實為贛縣尉調奉新令不赴嘗著易傳推明大衍之數

章頻

字簡之浦城人咸平間與弟岷應禮部試詔兄弟與試者勿並舉頻推讓其弟後六年舉景德進士

歷知九隴縣遷殿中丞天禧初擢監察御史累官刑部員外郎出知福州王氏時賦民官田歲輸租稅而已時轉運使方仲荀謂鬻之可得緡錢二十餘萬頓疏悉蠲除之所濟貧戶可九百餘人後累遷郎中使契丹至紫濛館卒契丹以錦車駕橐駝載至京中以銀飾棺詔遣其子奉職郎訪乘傳護喪歸

章得象

字希言頻從子咸平五年進士累官至戶部侍郎同中書門下平章事集賢殿大學士仁宗謂

曰向者太后臨朝羣臣邪正朕皆默識之卿清忠無所干附今日用卿職此也慶歷五年拜鎮安軍節度使同平章事封鄆國公徙河南府守司空致仕卒贈太尉兼侍中謚文憲皇祐中改謚文簡

劉滋

字潤之崇安人景德二年進士歷知南劍州州北黠淡灘險惡滋於灘旁疏三巨洲鑿七盤石轉山

曲二百餘丈以紆水勢自是舟行無患歷典九郡皆有惠政官至職方郎中累贈開府儀同三司吏部尚

書始滋未貴時夢神人携印一麓令吞之印大小各百餘顆滋吞至十四印文累累然見腹間後果中外十四任而與郡者九子同大理寺丞勲知臨江軍照河陽令

曹修古

字述之建安人大中祥符元年進士累遷秘書丞判饒州除監察御史上四事辭甚切直晏殊

以芴擊人折齒修古奏其忿躁無大臣體久之出知歙州徙南劍州歷殿中侍御史會太后兄子劉從德死錄姻戚廝役幾八十人修古與廷臣交章論列太后怒謫判杭州改知興化軍遇赦復官卒贈右諫議大夫賜錢二十萬修古無子以兄子覲為後覲自有傳弟修睦祥符五年進士歷御史知吉州分司南京有廉介聲

陳儼

字仲莊建陽人大中祥符元年進士除安福簿歲饑請即發粟以賑守不聽遂上狀自劾開廩濟民

尋攝常熟令潘福山河
以溉民田終泰州推官

徐陟

字光明浦城人未冠挾所為文入京師見孫何何大數賞上其奏議五十卷時丁謂當國陟不肯見

有止渴須擇水暫憇須防陰之句擢大中祥符二年進士累官永州判官陟雖老於諸侯賓佐而氣不少

衰尤練達邊事嘗作白馬謠數

百言以勵邊將官至朝奉郎

劉夔

字道原崇安人大中祥符八年進士累遷屯田員外郎權侍御史李照改製大樂鐘磬夔言樂之大

本與政化通不宜輕易願擇博學之士以補知丞桂

陽盜起夔以龍圖閣直學士知潭州兼湖南安撫使

舉兵破之州境獲安河北大水民流徙京東為盜仁

宗以夔守鄆發廩賑饑民賴復業賜書褒諭大臣議

復河道夔極言不可遂罷皇祐中知福州

遷工部侍郎致仕歸武夷山年八十三卒

張泌

字順之浦城人大中祥符八年進士歷秘書丞獻經國遠猷十篇仁宗嘉納之除右正言知諫院奏

減後宮浮費抑權倖請托之弊皇祐中進刑部尚書卒仁宗軫悼賻贈加等贈開府儀同三司

徐的

字公準甌寧人天禧三年進士授欽州軍事推官嘗勸轉運使鄭天監請決潁州溪水以疏瘴惡詔

從之的短衣持挺與民同勞苦城郭樓櫓府舍倉庫溝渠屢肆次第畢備擢廣南西路提點刑獄安化州蠻攻殺將吏部卒畏罪謀為變的馳至宜州慰諭之皆斂手聽命徙荆湖北路轉運使辰州蠻為寇的開示恩信蠻黨悔過自歸以兵部員外郎為淮南江浙荆湖制置發運副使奏通泰州海安如臯縣漕河出滯鹽三百萬得錢八百萬緡還工部郎中直昭文館區希範等寇衡湘的招撫之相繼出降蠻復叛除荆湖南路安撫使至桂陽討平欽景石破華陰水頭諸峒斬其酋熊可清等尋卒於桂陽

楊偉

字子奇億從弟天禧三年進士以校書郎知龍游縣累遷集賢校理通判單州會巡兵李素合州卒

謀殺巡檢使入鼓角門州將皆懼偉籍首惡數人置之法亂遂息遷兵部員外郎皇祐中拜翰林學士進

中書舍人卒

贈禮部侍郎

宋咸

字貫之建陽人天聖二年進士知尤溪縣端慎公廉剖決無滯累知邵武軍增廣學舍置田五百畝

以養士移知韶州奏誅悍卒境內肅然秋青經制廣西移咸治漕以功轉職方員外郎奏乞於瓊管立學賜經史以變土風官至都官郎中所著有易註毛詩正紀外義論語增註楊子法言注朝制要覽諸書

阮逸

字天隱建陽人天聖五年進士景祐初知杭州鄭向 upper 其所撰樂論十二篇并律與胡瑗俱召赴闕

同校鐘管十三律分造鐘磬各一簇康定元年上鐘律制議并圖三卷皇祐中更鑄太常鐘磬召瑗逸與

近臣太常議秘閣遂典樂事遷屯田
員外郎著有易筌王制井田圖等書

吳育

字春卿浦城人與弟京方同舉天聖五年進士除
大理評事歷知太常禮院奏定禮文名太常新禮

慶厯祀儀尋以鹽鐵戶部二判官供諫職元昊僭號
遣使上書有不順語朝議命將出師育謂宜示以不
足責置之時皆以育言為不然後師久無功元昊亦
歸過自新朝廷始悔不用育言累遷禮部郎中弼丹
與元昊構兵元昊求納款弼丹使來請勿納朝廷未
知所答得育議乃定尋知開封府慶厯五年叅知政
事與宰相賈昌朝數爭議上前御史中丞高若訥言
大臣廷爭為不肅故雨不時若罷知蔡州後除宣徽
南院使鄴延路經畧安撫使判延州夏人既稱臣而
並邊種落數為患龐籍守并州欲築柵白草以備之
育謂要契未明而亟城則羗人必爭爭則麟州必受
其患乃移文河東遺籍手書及疏於朝不報已夏人

果犯河外殺驍將郭思籍與將校皆以此得罪麟府
遂警育以疾作求解宣徽使復以資政殿大學士尚

書左丞知河中府徙河南
卒贈吏部尚書謚正肅

陳升之

字賜叔儼子景祐元年進士歷知諫院請抑絕
內降又請嚴館閣之選無使搢紳華途為貴游

子弟躡進居言路五年所上數十百事遂自侍御史
擢天章閣待制河北都轉運使加龍圖閣直學士復
知諫院上言天下州縣悉付之轉運使今選用不精
又無考課民間疾苦壅於上聞乃詔翰林學士承旨
孫朴權御史中丞張昇與升之同領磨勘轉運使及
提點刑獄公務論罷樞密使賈昌朝遷樞密直學士
知開封府歲餘拜樞密副使熙寧元年知樞密院同
制置三司條例司拜中書門下平章事集賢殿大學
士與王安石忤稱疾歸鎮江軍節度使同平章
事判揚州封秀國公卒贈太保中書令謚成肅

吳秘

字君謨甌寧人景祐元年進士為侍御史兼知諫院以言事出知濠州提點京東刑獄秘好學著周

易通神五卷注楊子箋太元嘗歎春秋三傳同異作春秋集解因乞閒郡除同安守

吳評

字正詞崇安人景祐元年進士授鄞縣尉歲大旱部使者諱言評覈視以實報郡有大獄守屬評訊評持法不阿判常州濬鶴溪自蘇州引湖水以灌民田治平中知懷安自雲頂山開羊腸溪十餘里入城民利之神宗時知萊州復興水利以濟民官至中大夫致仕累贈開國侯

張說

字樞言浦城人寶元元年進士通判越州擢夔州轉運判官拓蘆夸地陞陝西轉運副使明年直龍

圖閣知泰州政教兼舉斬冒功生事者羣羗感悅遷天章閣待制知熙州董璣遣鬼章逼岷州說迎戰大破之元豐初加龍圖閣直學士知成都府徙杭州道過京師神宗訪以西事對曰彼勢未弱我師未銳邊

備未飭願以歲月圖

功累官正議大夫

吳充

字冲卿浦城人寶元元年進士調穀熟薄入為國子監直講吳王宮教授等素與宗室狎充齒最少

獨以嚴見憚嘗作六歲以獻仁宗命繕寫賜皇族蒲
邱書之座右除集賢校理判吏部歐陽修以申理胡
宗堯被譖貶同州充願與修同貶於是修得復留改
充知太常禮院以忤執政意出知高郵軍歷擢鹽鐵
副使熙寧元年知制誥神宗曰先帝知卿久矣遂同
知諫院充子安持為王安石壻心不善其所為數舉
政事不便者為神宗言之安石去神宗察充中立無
與遂代為同中書門下平章事乞召還司馬光呂公
著韓維蘇頌又薦孫覺李常程顥等數十人與執政
多不合元豐三年罷為觀文殿大學士西太乙官使
踰年卒贈司空兼侍中謚正獻子安詩元祐中為起
居郎安持為都水使者遷工部侍郎終天章閣待制

陳洙

字思道建陽人慶厯二年進士歷知長溪烏程二縣有聲績擢殿中侍御史嘉祐中儲位未定司馬

光言此事非可露章廷爭俟主上自發德音乃為善耳洙數趣光曰俟上自言當在何時遂上疏極陳東漢建儲不蚤之弊疏入仰藥死奏下大計遂定仁宗愍其忠特賜錢十萬元祐初司馬光奏請官其子哲之宗從

徐九思

字公謹崇安人慶厯二年進士調蘄水尉知成都府趙抃唐介薦之入判三司坐忤時相判廣

州元豐中召對面賜褒諭安石以其附司馬光坐廢元祐初召為江陰諸路發運副使致仕初唐介謫英州其夕雷震九思以詩送之有最是中有雷激烈為君特地發冤聲句仁宗聞之召介還

曹覲

字仲賓修古子以廕補建州司戶叅軍皇祐中知封州儂智高陷郡或勸覲遁去覲曰吾守臣也有

死而已決戰被執不屈遂遇害妻劉氏亦自縊事
開贈太常少卿謚忠肅妻封彭城縣君錄其四子

吳申

字景山甌寧人皇祐元年進士南京國子監教授
英宗初論宗室與講官賓主坐序大宗正不能決

申疏奏英宗是之講官正席自申始尋知諫院司馬
光與呂惠卿在講筵議坐倉糴米事申曰光言至當

也後罷諫職

出知舒州卒

王昉

字景和崇安人皇祐元年進士知雩都縣以簡易
為政邑大治縣南有泉溉田千頃忽產鉛錫使者

聞之欲置官治昉力爭之議遂寢改朝奉郎

通判婺州致仕子獻朝議大夫直徽猷閣

葉康直

字景溫建安人皇祐五年進士除光化縣以治
績顯歷知秦州夏人侵甘谷康直戒諸將設伏

以待殲其二將四境帖然尋遷陝西都

運使以疾請知亳州召為兵部侍郎卒

翁仲通

字濟可崇安人嘉祐二年進士調山陰尉遷武平令僉書興化軍復令黃巖所至興築陂湖控

遏盜賊武平陋不知學仲通建學教之在黃巖聽民輸錢代米民免流殍以親不逮養致仕卒

黃好謙

字幾道浦城人嘉祐二年進士令新蔡歲艱食嬰兒多棄道上好謙下令賑卹全活甚多熙寧

初召對除監察御史裏行辨誣獄論時政缺失通判潁州韓億留守北門乞佐幕府遂判大名朝廷益知好謙材哲宗立召為駕部郎中出知濮州改潁州未赴卒好謙父孝先令咸陽日主簿死無以殮孝先適出他縣好謙時十五謁雍守杜衍白其事衍答以當與僚佐議好謙曰公為近侍典方面屬吏死無以殮欲誰議耶衍即贖之一府稱為奇童

謝麟

字應之甌寧人嘉祐四年進士調會昌令改石首江水為患麟措米萬餘斛疊石隄障千餘丈通判

辰州知沅州徭賊陷辰溪麟招捕之詔使經制宜州
獠降其種落四千八百人納思廣峒民千四百室得

鎧甲二萬加果州刺史元祐初歷渭桂

二州融江有警麟以計討平之卒於官

陳軒

字元興建陽人嘉祐八年進士釋褐庭下衣若懸
鵝仁宗解黃衣賜之後賜袍笏有淡黃色自軒始

元豐中知汀州治尚清淨蝗不入境徽宗立為兵部
侍郎兼侍讀論監司守臣屢易之弊願稍久其任又
言比更定役法欲以寬民力而有司生事急切苟營
贏羨又言散青苗本以抑兼并拯難困不當以散多
予賞加龍圖閣直學士歷
知杭州福州卒年八十四

吳執中

字子權松溪人嘉祐八年進士父槃著作郎執
中與呂惠卿為同門壻不肯依附取進浮湛州

縣三十餘年始提舉河南常平累遷至御史中丞論
開封府內侍省京畿秦鳳違法干請詔獎其得風憲

體又言開封治事大理決獄將作營繕榷貨入中皆職所當為乃妄以為為功一歲遷官至五六宜行抑損論坐張康國默知滁州後遭禮部尚書論者謂其黨張商英謫黃州奉祠卒宣和初追復顯謨閣待制靖康初加樞密直學士子巖夫字民瞻以廕補官政和中累遷考功員外郎召對論郡縣賦斂煩急百姓悲苦狀巖宗竦然異之曰真吳執中子也請外補知洋濠二州欽宗內禪召為左司郎中出語宰相曰時方艱難願拔寒畯以求實材毋專用虛名竊位苟祿而已宰相不悅巖夫曰吾與公為道義故敢獻直不然自此辭矣高宗即位移光祿卿後以言事不合遷秘閣修撰知南劍州乞祠卒

章藻

字質夫以叔得象廕為孟州司戶治平二年試禮部第一歷吏部右司員外郎元祐初知慶州時朝

廷戢兵戒邊吏毋得妄動且捐葭蘆安疆等四砦予夏夏人益驕藻言夏人嗜利畏威不有懲艾不得休

息遂乘便出討以致其師夏果入圍環州遣驍將折可適伏兵洪德城夏師過伏兵識其母梁氏旗幟鼓譟出斬獲甚衆又預毒牛園澮水夏人馬飲者多死後知渭州上言城葫蘆河川據形勝以逼夏乃帥熙河秦鳳淮慶四路之師出葫蘆河川築二城於石門峽江口好水河之陰二旬有二日成賜名平夏城旣而環慶鄜延河東熙河皆相繼築城夏主將數十萬兵圍平夏攻十餘日不能克遁去築謀其弛備遣折可適郭成輕騎夜襲執其統軍監軍之勇悍善戰者俘虜三千牛羊十萬夏人震駭哲宗為御紫宸殿受賀擢崇樞密直學士龍圖閣端明殿學士進階大中大夫徽宗立請老留拜同知樞密院事踰年力請罷授資政殿學士中太乙宮使卒贈右銀青光祿大夫謚莊簡子綽熙寧九年進士提舉江南常平蔡京變鈔法緯入對極言京悞國病民竄台州終戶部郎中綽元祐三年進士嘗勸中書侍郎劉達復元祐之政為

京黨所擠

出知湖州

章甫

字端叔浦城人熙寧三年進士調臨川尉邑有盜獄株連多人甫按實抵三人於法餘釋不問哲宗

即位累遷至太府丞召對稱旨除府界提舉常平等事鄆陵舊有雙泊河數泛溢為民害甫為增濬河外故道召河朔飢民廩給之用其力興築堤成民不告勞飢者得全活徽宗立首言淮南歲凶宜加賑恤得旨大發倉廩民賴以濟崇寧初黨論復興甫抗言元祐諸臣削秩投荒皆非其罪陛下即位稍令內徙道路交慶今復刻名著籍銅其子孫恐非陛下本意由此忤時論尋知泰州乞祠卒著有文集二十卷孟子

解義十

四卷

江側

字處中建陽人熙寧六年進士以儒學教授其鄉游酢葉祖洽皆從之遊熙寧中除將作監簿歷饒

信洪三邑恬於聲華與族子汝舟號二先生並以循良著

周常

字仲修浦城人熙寧六年進士補國子直講以薦遷著作郎擢起居舍人鄆浩得罪常於講筵中論

救敗監郴州酒稅徽宗立召為國子祭酒兼起居郎時以大暑令記注官卹漏正即勿奏事著為令常言本朝記注官兼諫垣凡人主言動得以所聞見論可否神宗皇帝時雖不兼諫職亦許以吏事於崇政延和殿直前陳述令若於炎曦可畏之候暫停進對著為定令則必紀於日錄傳之史冊後人觀之將以為倖於聽納忘先帝美意疏入事遂寢進中書舍人禮部侍郎蔡京用事以寶文閣待制出知湖州尋奪職

居婺州卒

陳師錫

字伯修建陽人熙寧九年進士以文學為神宗所知調昭慶軍掌書記知臨安縣為監察御史

時詔進士習律師錫言學校用經術訓士不應以刑
名之學亂之出知宿遷縣元祐初以蘇軾薦累遷工
部員外郎加秘閣校理提點開封縣鎮嘗大閱羣卒
謹操將吏莫知所為師錫馳至軍置首惡者於法按
問如初而劾斥其將樞密院以事不先白為罪罷知
解州徽宗立召拜殿中侍御史疏言章惇猶據高位
司馬光等贈謚未還願蚤撫宸慮以慰中外之望又
言蔡京兄弟同惡誤國時陳瓘與師錫同論京卞號
為二陳改考功郎中出知潁廬滑三州蔡京當國編
入黨籍謫監衢州酒稅宣和末復朝請大夫卒年六
十九紹聖中贈諫議大夫直龍
圖閣號閑樂先生有文集十卷

游酢

字定夫建陽人與兄醇俱以文行知名醇元豐二
年進士仕至奉議大夫酢少穎悟過目成誦程頤

一見謂其資可適道後程顥令扶溝設庠序教人召
酢職學事元豐五年登進士調蕭山尉改博士以便

養求知河清縣范純仁出判河南待以國士有疑議
輒與叅訂移守穎昌辟為學教授還朝復相即除酢
太學博士純仁罷酢亦乞外徽宗立召為監察御史
出知和州歲餘管勾南京鴻慶宮居太平州復知漢
陽軍歷舒濠二州罷歸寓歷陽因家焉卒葬其處酢
操行純粹處事優裕歷官所至民戴如父母所著有
中庸義易說詩二南義論語孟子雜解文集各一卷
學者稱薦山先生謚文肅弟醅元祐進士醅子操宣
和進士官秘書少監權禮部侍郎操子開同上舍
出身從朱熹遊編集中庸註文學優瞻熹嘗稱之

葉默

字彥思建安人元豐五年進士知泗州會詔改宣
梵院為神霄宮默疏言困民力於興作費財用於

土木非闡教明道之意
謫郴州卒贈通議大夫

李規

字師正松溪人元豐五年進士初辟陶節夫幕府
時朝廷方討西夏規協力裨贊招散亡築堡寨夏

人遠遁擢通判環州請革陝西錢法之弊改夔州運
判移本路提刑被旨按大獄原釋數百人以平瀘功

轉朝議

大夫

楊訓

字公發浦城人元豐五年進士歷朝奉郎初訓與
蔡京同受業王安石之門及京當國太宰余深備

道京願見意訓辭曰辛勤力學粗立門戶今老矣榮
除非所望他日躋足豈能與諸公爲嶺嶠之行耶終
老常調卒年八十三所著禮解二十卷文集十卷子
公度字元宏歷福州觀察推官除常平主管時同年
侍郎秦梓累稱公度學問於其兄檜或勸之往見公
度以父不見蔡京之言謝之判潭州攝府事軍兵更
成有以浮言動衆者公度召主將誅首惡數
人奸謀遂息自號玉峯居士著有玉峯集

何去非

字正通浦城人累舉不第元豐五年廷對論用
兵之要非通儒碩學不能神宗異之引即殿陞

問何以知兵對曰臣間文武一道古之儒者未嘗不知兵神宗喜授武學教諭使校七書兵法元祐中蘇軾見其文曰此班馬匹也薦於朝詔加承奉郎出爲徐州教授歷判廬州卒有文集二十卷備論四卷司馬法講義三卷三畧講義三卷子遂有春渚記聞十卷

張巨

字國材浦城人元豐五年進士爲京西轉運判官徽宗聞其名召對首論紹述事拜殿中侍御史以論劾蔡攸童貫出知泰州歷利州路計度轉運使尋謫池陽欽宗初立復原官

黃輔國

字應圖浦城人元豐八年進士任青州司理改南海令知高郵軍淮右早蝗極力賑濟民賴不

殍以薦爲樞密院編修官歷遷右司諫哲宗親擢爲起居舍人時有旨檢看元祐以來臣僚章疏欲籍爲奸黨輔國不奉詔出知袁州大觀初歷知福泉二川召爲給事中未赴卒

李充

字仲實浦城人元祐三年進士知臨海縣方臘爲亂兩浙州郡相繼陷沒充與倖李景淵戮力固守

州城獲全轉知壽光山東盜起朝廷方事北方充嘆曰張李鷹之動歸與陶淵明之恥折腰吾慕前人固已晚矣遂賦歸子穎士字茂特調建昌教授歷大理寺丞除刑部郎中獄決多平反言者以爲趙鼎黨謫監慈利縣稅後除江西帥司叅議未赴卒

李寀

字亮卿浦城人元祐六年進士高宗南渡以近臣薦賜對進劄首以自治爲急即日除御史臺主簿遷監察御史挺直敢言權倖欲跡紹興九年出爲廣南西路提點刑獄奉祠歸

劉幹

字仲偃崇安人紹聖元年進士調豐城尉歷陝西轉運使攝帥鄜延夏人攻振武幹出奇兵搗之除

越州方臘犯衢婺官吏悉遁幹擊敗之河北盜起幹守真定單騎赴鎮招降賊首柴宏時金人方謀南牧

韜緒守備以待變金人治雲梯街車圍城韜發強弩射之乃退太原陷召入爲京城四壁守禦使宰相沮罷之京城不守宰相給以割地遣韜使金營金僕射韓持正謂韜曰國相知君今用君矣韜曰偷生以事二姓死不爲也退即手書片紙召指使持歸報諸子沐浴更衣酌卮酒而縊顏色如生金人嘆其忠瘞之寺西崗上通題憲壁識其處年六十一建炎元年贈資政殿大學士謚忠顯弟韜韜字仲文有智謀善兵法從韜平陸寇有功補承信郎再從守真定補修武郎韜字仲固以門蔭入仕歷倅三州典二郡皆有聲以散騎大夫致仕

翁彥深

字養源仲通子紹聖元年進士宣和初除右司員外郎盜起睦州東南大震彥深言民有疾苦

不得上聞宜取上書人名籍焚諸通衢下詔求直言則下情通而盜可弭久之除國子祭酒蔡攸爲禮部

尚書譜彥深爲元祐學彥深笑曰彼亦知有元祐學耶徙秘書監不肯謁宦者梁師成降兩官出知濟南改發州召爲太常少卿從幸揚州力陳維揚無險可恃宜蚤渡江以定基業尋卒所著有皇朝昭信錄及文集各十卷忠義列傳二卷唐史評一卷鍾離子自錄一卷

周武仲

字憲之浦城人紹聖四年進士歷擢監察御史宣和二年淮南旱饑詔武仲察訪賑濟入對陳

八事或謂武仲凡今財用多以供應御前爲名公其慎之武仲曰吾敢趨時顧避愛一御史輕兩路生靈哉卽檄監司州縣問民疾苦次第監賑宿守吳壽寧令諸門毋納饑民城外僵尸縱橫穴地藏之眞守周之悌夜遣兵仗截饑民至江洲中悉致死二守宦官腹心也武仲劾奏之乃造飛語以動朝廷有旨促赴闕徽宗尋悟除尚書比部員外郎假太常少卿尋差殿試時進士對策有言極切直者例指爲謗訕武仲

云今盜起東南正國家求言之日不可使此名自吾
儕始遂改謗訕二字爲涉異奏之宰相王黼建應奉
司武仲造黼問黼云中官領供應者不可考覈而騷
擾已倍故總以一司武仲曰相公以論道之任下領
有司意則美矣第恐外庭行之北司仍復干預用度
無算而騷擾又倍前日是使中官得爲辭而相公獨
受其弊也黼不悅是冬充賀遼正旦國信使疏論河
朔軍政不修將士驕慢狀四年冬又充報聘國信使
是時金人盡併遼地又西破雲中而童貫蔡攸以百
萬之衆潰於蘆溝金志愈驕武仲至金人欲增歲幣
武仲持不許金人大怒曰公不望歸耶武仲曰某持
節出疆以死報國分也若失辭而歸將何面目見主
上金人知不可奪因爲改館還至雄州疏言金國驕
悍貪詐前後違約狀既而報聘禮成進獻閣直學
士除刑部尚書擢御史中丞封文安縣開國男食邑
三百戶入對引臯陶戒舜屢省乃成之說徽宗悟其

旨武仲因疏論蘆溝致敗之由皆童貫蔡攸不能節制諸軍而屬官李宗振統制王稟其罪爲大乞加竄責章三上方施行上疏乞外薦楊時自代會復起童貫罷武仲御史中丞以本官提舉亳州明道宮貫復誣奏之遂落職欽宗登極復原官高宗卽位除吏部侍郎扈從至揚州累遷吏部尚書高宗嘗取武仲雄學士提舉江州太平觀轉朝請大夫致仕卒

胡安國

字康侯崇安人紹聖四年進士廷對推明大學格致誠正之說時方復熙豐之政宰執欲降其

等哲宗親擢第三除荆南教授提舉湖北路學事改使湖南會論舉遺逸安國以布衣王繪鄧璋應詔爲李良輔誣訴蔡京怒命置獄遂除名宣和末除尚書屯田員外郎解靖康元年至京欽宗召入見論奏除中書舍人中書侍郎何栗建議分置四境帥臣以都總管爲名各付一面爲衛王室禦狂寇之計安國奏

內外之勢通平則安偏重則危今一旦以數百川之地三十二路之廣分爲四道權太重萬一抗衡跋扈號召不至何以待之時東方密說欽宗以京師不可守則出幸山南可以入蜀意欲自當南道之任閱安國奏大駭曰康侯人物之表乃專以異議爲高適安國論吏部侍郎馮漸忤耿南仲意宰相唐恪何果復擠之詔與郡高宗即位召爲給事中黃潛善惡之尋罷建炎二年樞密使張浚薦安國可大用紹興二年入對高宗曰聞卿深於春秋方欲講論除兼侍講使專以春秋進講會除故相朱勝非同都督江淮荆湘諸軍事安國奏勝非與黃潛善汪伯彥同在政府絀然附會釀成渡江之變尊用張邦昌結好金國淪滅三綱天下憤鬱反正位冢司苗劉肆逆貪生苟容辱逮君父今又委之重任恐悞大計遂臥家不出是時秦檜雅重安國呂頤浩再相欲傾檜引朱勝非爲助據安國奏擬進責命遂落職提舉建昌軍仙都觀是

夕夢出東南檜三上章乞留不報亦解相印去位御
史江躋司諫吳表臣極言安國當留頤浩即黜躋等
二十餘人以應夢變安國歸渡江休於衡轅之下作
書堂其間紹興五年差提舉江州太平觀令纂修所
著春秋傳三十卷安國比事屬辭詞嚴義正以正誼
明道貴王賤霸尊君抑臣謹禮慎微為權衡而大要
以親賢遠奸強於為善之旨一篇之中三致意焉書
成上之高宗屢對近臣稱善除提舉萬壽觀兼侍讀
諫官陳公輔乞禁程頤學安國奏孔孟之道不傳久
矣自頤兄弟始發明之今使人師孔孟而禁不從頤
學是入室而不由戶也奏入公輔與周秘石公揆論
安國學術頗僻復除永州提舉江州太平觀高宗念
安國訓經納諫之忠特除寶文閣直學士卒年六十
五詔贈四官謚文定又詔加賻賜田十頃著有文集
十五卷資治通鑑舉要補遺一百卷明正統間從祀
孔子廟廷成化三年追封建安伯弟安止安老俱

以學術行誼名世安止累官朝奉郎岳州通判安老恬淡簡默喜周人急以廢知羅源縣有聲終朝奉大

夫袁

川字

周因

字與道浦城人紹聖四年進士判華州時朝廷建明堂天章閣鳩材於羣童貫營私第欲先得之因

不可貫諷監司移因侔洮州因以事聞朝廷直之累遷京西轉運副使宣和中春旱朝廷欲決決漂口伊洛二水以益汴因奏洛民恃二水為生決之不能益汴請於河陰決流入汴民亦不失二水之利唐鄧汝蔡四州增新稅民間騷動奏罷之累遷荆湖南路轉運使徽宗語以溪峒事對曰有邊事邊臣之福無邊事朝廷之福時初得燕薊故因語及之除直徽猷閣知桂州瓊州民陳韜焚澄邁臨高二縣憲司議招降因力爭不得後果再叛因討平之官至中大夫致仕

翁彥國

字端朝彥深弟紹聖四年進士累官御史中丞靖康之難彥國為江淮荆浙制置轉運使京師

被圍彥國領兵東上康王開大元帥府檄召天下兵未有至者獨彥國奔問官守至淮寧與帥臣何至等築壇歃血誓獎王室遣兄子挺詣大元帥府請旨張邦昌使至彥國拘之於軍以書奏聞且遺書切責邦昌既領兵至咸平縣欲赴帥府聞大元帥屯濟州乞移近邑及蚤正大號高宗即位除蕙江南西路經制使卒贈少保

蔡諒

字守信其先弋陽人唐昭宗時八世祖燠從王潮入閩為建陽長官居麻沙鎮累傳至伯禧宋真宗

時以神童授春官伴讀再傳生諒紹聖四年由鄉貢入太學除大名司訓擢太學錄崇寧間表勸徽宗躬行剛仁勤儉事又謂蔡京曰清慎正直宰相之度司馬光呂公著何等人品而目為奸且鑄之石即京

大怒即

棄官歸

郭汝賢

字舜卿浦城人元符三年進士知福清宣和初判興化軍權郡事國清塘歲久不修僞功增築

民賴其利後知瓊州黎蠻叛汝賢遣兵據要地前後掩獲降其酋海上寧謚以功增秩主管台州崇道觀

卒年八十二官

至朝請大夫

章詡

字宜叟浦城人崇寧五年進士歷判杭州高宗幸臨安苗劉為變人心恟恟朝議有欲召問三軍者

誼持不可事定累遷殿中侍御史紹興四年金遣使來求劉豫之俘及西北人在東南者又欲畫江以益豫時議難之誼被命使雲中與粘罕兀室論事不少屈使還累遷戶部尚書五年以疾請郡知溫州適歲旱糧盡用劉晏招商法置場增直商輻輳集價遂平六年移守平江復起為戶部尚書七年以端明殿學

士江南東路安撫大使知建康府未幾提舉亳州明道官卒諡忠恪諡忠厚長者立朝奏疏數百篇皆濟策時良

陳戩

字冲休松溪人大觀三年進士授鞏州教授改國子博士累遷監察御史疏論宰執姑息將帥邀功

臺諫言細務守臣多犯法內侍權漸盛宜有以禁之徽宗嘉納以寶文閣待制出知處州尋改泉州兼福建路兵馬鈐轄後提舉武夷冲祐觀卒贈通奉大夫

詹公薦

字文舉崇安人政和二年進士靖康間張邦昌受其才欲用之逃去從間道達行在奏事稱旨

擢太常丞遷祠部郎中請補外除廣東提刑

葉廷珪

字嗣忠既寧人政和五年進士除武邑丞時方興燕山之役廷珪資餉饋運不失轉知德興縣

張邦昌偽詔至不拜後差知福清縣民困鬻鹽廷珪請增鹽錢又採煮鹽利害作圖及書州縣遵用之遷

兵部郎中

奉祠歸

章元振

字時舉崇安人政和五年進士知寧鄉縣帥曾孝序廉其才請移知長沙寧鄉民卧轍泣留帥

不能強改知休寧邑當睦寇蹂躪凋瘵未復嚴寇繼發元振且撫且禦城賴以全改泰寧令鄴盜四起元振悉力拒守盜遁去後知潮州轉守肇慶以治行遷朝議大夫廣東提舉子才邵從楊時遊時目為篤實君子以父廢補官歷典賀辰二州改荆湖北路叅議官

黃鍰

字用和浦城人政和五年進士為工曹按視諸邑水災蠲田租十之八部使者怒加誚責終不可奪

紹興六年召對稱旨拜監察御史首陳七事高宗嘉納之因諭曰黃鍰論人君治心事甚詳當處以諫職

會有阻之者除江西
提點刑獄乞祠歸

張大年

浦城人政和五年進士知萍鄉縣時盜起大年
開民伍教以兵法盜不敢入周因帥廣西辟為

經畧司注平蠻獠通判瓊州海寇陳韜等
開其威畧率衆來降後知韶州卒於官

詹良臣

崇安人官縉雲尉值方臘寇處州良臣禦之深
入無援被執賊受其勇脅之降良臣罵曰男兒

以身許國便當斬頭漚血不顧生死寧能向
若輩活耶賊大怒支解之事聞官其子大方

鄭穀

字致遠建安人穀初就學晝夜誦中庸不急父戲
之曰此篇句讀易讀耶穀拱對曰竊意聖人之道

在此書也既冠入國學累舉未第曰昔之求道者尚
友古人未及大賢之門其可已乎遂走河南值二程
已逝乃受業於謝良佐之門重和元年以八行
舉第進士調御史臺主簿出守臨江軍乞祠歸

鄭穀

字致剛穀弟重和元年進士為御史臺主簿高宗即位擢監察御史遺諫議大夫苗傳劉正彥等作亂

擁兵行宮門外逼尊高宗為睿聖皇帝請隆祐太后垂簾聽政而立皇太子高宗總宰臣朱勝非下樓諭之二凶猖獗不伏穀廷立面折之尋拜御史中丞時二凶竊威福紊機政穀言宦官用事則生人受禍匹夫力不能勝則羣起而攻之今當痛革其弊俾此曹無致浸淫以激衆怒二凶為少戢又論黃潛善錢伯言呂源之罪詔竄削有差已聞召呂頤浩簽書樞密院事誚張浚郴州穀知二凶奸謀具章乞留頤浩知金陵浚不當貶不報遂遣所親變姓名徒步如平江見浚等言城中事以為嚴設兵備張聲勢持重緩進使賊自遁無驚動三宮此為上策因賦杜鵑詩令密示諸同署浚等聞之皆感奮為赴難計傳等謀矯詔廢睿聖皇帝為皇太弟天下兵馬大元帥幼主為皇太姪穀與御史王廷秀上疏力爭太后令穀赴都堂

議事數至責二凶曰太尉要作官家請先殺殺劉正彥起
曰某等倚中丞教誨豈敢負國恩遂不降詔太后乃
以毀與李昉並為端明殿學士同簽書樞密院事力
謀復辟三曰高宗反正張浚等率勤王之師將至城
下而城中兵柄皆在二凶之手殺恐變生不測因說
之曰今主上復辟皆出二公忠義但勤王諸公未知
委曲恐衆怒未息妄有殺戮請暫除二太尉大使領
重兵於外諸公入城具言二太尉復辟之功使三軍
曉然無疑然後大用未晚也二凶許諾即日除苗傅
江南制置大使正彥副使領兵出城繞閉關張浚等
兵已交鋒苗劉敗走高宗除殺簽樞封建安縣開國男
食邑四百戶輔政百日而卒高宗謂大臣曰朕喪元
子猶能排遣於殺
不能釋也諡忠穆

黃璘

字邦美浦城人重和元年進士調拱州襄邑丞靖
康元年金人分兵襲拱州驅縣吏為鄉導璘移疾

不出遂赴井死建炎初訪死節士
贈朝奉郎官其弟之子為璘後

蕭覲

字子莊浦城人少孤事母以孝聞母喪廬墓有靈
芝之異與李郁陳彥羅從彥同受業楊龜山之門

後為清流簿終歲而
歸朱松嘗師事之

江錡

字全叔建陽人宣和三年進士授永州教授終徽
猷閣學士覃思春秋之旨著春秋經解三十卷楊

時見而稱之又著辨疑
一篇語孟說各五卷

呂祉

字安老建陽人宣和五年上舍釋褐為右正言以
事忤執政通判明州紹興中知建康府金人攻淮

獨韓世忠統銳卒在高郵祉上章言宜遣兵為世忠
援既而援兵不至世忠退保鎮江祉再言置江北於
度外恐失中原心當急遣諸將赴援乞親御六軍繼
之庶幾上下協心可以却敵於是降詔親征車駕至

平江金人遂退累遷吏部侍郎劉豫入寇或請回臨
安社獨抗言士氣當振不可遽退詔命社視師江上
馳入劉光世軍督戰俘馘殆盡遣兵部尚書叅謀軍
事張浚以王德為都統制鄭瑗副之二將素不協交
訟於都督府及御史臺朝廷命社往廬州節制之社
密奏乞解瑗兵柄有旨召瑗赴行在瑗懼劫社度淮
降劉豫至三塔距淮三十里社下馬曰劉豫逆臣我
豈見之死則死於此遂遇害時有得社括髮之帛歸
吳中者其妻持以自縊事聞特贈資
政殿大學士詔立廟其地賜額忠顯

胡寅

字明仲安國從子宣和三年進士歷校書郎從楊
時講伊洛之學建炎初以薦擢起居郎高宗幸建

康寅上書乞務實效去虛文反覆萬言宰相呂頤浩
惡其切直除直龍圖閣主事主管江州太平觀復應
詔上十事曰修政事備邊陲治軍旅用人才除盜賊
信賞罰理財用核名實屏諛佞去奸慝疏入不報出

知永州紹興四年復召為起居郎論遣使事詞極剴切高宗嘉納既而張浚自江上還奏遣使為兵家機權竟反前旨寅復言遣使有十無益既與浚異遂乞便郡就養徽宗與寧皇后計至朝議用故事以日易月寅疏言禮譬不復則服不除願降詔服喪三年衣墨臨戎以化天下除禮部侍郎兼侍講直學士院秦檜當國除徽猷閣直學士提舉江州太平觀乞致仕歸衡州紹興二十一年卒年五十九學者稱致堂先生著讀史管見數十萬言及論語詳說行於世為文根極義理有斐然集三十卷

陳朝老

字廷臣政和人為太學生嘗抗疏論時政臺諫受蔡京風旨以狂妄目之會徽宗以何執中為

僕射復上書論之忤旨謫通州乞歸三徵不起

何昌世

字正卿崇安人宣和三年進士任台州司理南渡時賊猖獗官吏望風遁去昌世迎駕入城高

宗問何官具以職名對慰等再三剪御衣尺許書云朕南渡以來盡忠惟汝以此為券國定論功特改宣教郎除大理寺丞終司農少卿

吳達

字公路崇安人宣和三年進士調永福尉以獲海寇功擢知泰寧縣舊有敷茶引錢過重達力請蠲

其半改知順昌閩盜蠲起達極力捍禦威聲四馳遂以功擢判劍州繼知肇慶府置學田藉以杜豪民吞併改知濠州奏懇民田以廣兵儲尋提點福建刑獄漕司食鹽害民下憲臣核實定綱穀去科賣之弊除直秘閣知鼎州所

著有帝王系譜

魏懋

字覺民甌寧人宣和三年進士紹興初令零都時江西盜起諸邑皆失守懋出帑金犒軍死守賊不

能侵岳飛提兵過境上見其井邑獨完稱賞之後范汝為寇縣懋先募被發號慟棄官歸比至寇已平緝

凶人象之墓右上狀自劾郡將義而釋之後知南昌卒孫復中延平法曹

江灝

字良弼崇安人宣和六年進士除上高尉靖康間盜起灝率兵擒其渠魁高宗南渡帥所部勤王遷

劍浦丞范汝為竊發建劍騷動灝奉檄統義兵擊破之遣無錫令邑當孔道困於師旅灝不忍重斂移兌常平以佐供饋歷知柳象二州有以廉吏薦之者高宗識其名於屏特賜紫金魚袋進朝散大夫元孫默乾道中進士名宦自有傳默從子頊字叔文學於真德秀嘉定元年進士歷知開州以廉白簡易稱頊子鉢十歲應童子科賦並蒂梅聞者嘆服鉢弟銘魁歷仕俱有政聲

劉子羽

字彥修給子幹帥浙江子羽年二十五主管機宜文字以羸卒數百破方臘數十萬衆全其城

歷知池州改泰州未行召赴行在除樞密院簡詳文字建炎三年與張浚密謀誅范瓊浚宣撫川陝遂辟

為參議軍事至秦州節度五路諸將明年金人窺江
淮浚合五路進撓之子羽諫不聽比至富平與金人
戰不利浚退保興州子羽遂自至秦州召諸亡將命
吳玠柵和尚原守大散關而分兵守險金人知有備
引去明年為利州路經畧使獲叛將搜其衣笈知金
人約由階城梁洋金商三路入寇子羽移書吳玠王
彥使備敵玠彥不聽失金州子羽即遣田晟等馳守
饒風嶺具書報玠列營以拒金金人從間道繞玠後
玠不支還漢中來邀子羽俱去子羽不可留玠先柵
定軍山以守玠不從子羽不得已退守三泉從兵不
滿三百乃築壘於潭毒山上儲粟十餘萬石積石數
十百萬數日候騎報大軍至即下令蓐食遲明上馬
先至戰地前當山角據胡床坐諸將泣請曰此非待
制坐處子羽不為動冠知不可攻亦引退全蜀遂安
四年坐富平之役為言者所論貶單州團練副使十
二年復待制進爵開國子益封二百戶以不附秦檜

和議奉祠歸卒贈少傅謚忠定朱熹嘗稱子羽在川
陝雖盛寒必侵晨首單衣汗衫入教場射箭三百率
以為常又言幼嘗侍側賓客滿座見其目覽書冊耳
聽指授口供應對手答書疏頃刻之間五官並用百
函俱發並無差錯真人傑也

劉子翼

字彥禮軫子用廕補承務郎調秀州司錄靖康
元年軫遣子翼入奏事賜對延和殿歷轉宣議

郎建州熊志寧范汝為相繼叛有旨除子翼知建州
道路梗塞或勸子翼從王師航海進子翼不可乃單
車自崇安入賊方棲山守險所在屯布子翼行賊營
諭之曰汝輩誑誤至此令王師且至若能自新釋兵
歸農太守能活汝不然悔無及賊皆羅拜去王師尋
下多所俘獲子翼分別縱釋之賊首逸去子翼購獲
之尋知劍南州紹興二年
應詔獻言忤當路奉祠歸

劉子翬

字彥冲，給子以廕，補承務郎。辟真定幕，判興化軍。寇楊勛犯闕，境與郡將張當世畫計捍衛。賊

不敢犯。年三十，以父死難，哀毀致羸疾，不堪吏事。丐閑局，主管冲祐觀家於屏山下潭溪之上，自號病翁。獨居危坐，嗒然竟日，夜竟有所得，則筆之於書。間數日輒走謁父墓，涕泗嗚咽累日，乃返。與胡憲、劉勉之為道義交。朱松死，以子熹為托。熹師事之子翬，學深於易。家有東西二齋，東以復名，西以蒙名。朱熹問入道次第，自言於易得入德之門，所謂不遠復者，吾之三字符也。年四十七，得微疾，即入謁宗廟，泣別母夫人。前召姪珙付以家事，指示葬處與學者論說修身求道之要，作訓誡數百言。彈琴賦詩澹如平時。居兩日歿。學者稱屏山先生。有文集二十卷。

葉薦

字宗穎，建安人。建炎二年進士，調候官丞。紹聖中，汀寇起，薦被檄招撫，直造巢穴，諭以禍福。賊黨解。

散調羅源令率民築白柯塘
以捍田民立祠勒石以報德

呂希說

甌寧人建炎二年進士為劍浦令
朱熹稱其剛方不苟名節自持

魏孝友

字移可甌寧人入太學應詔論時政語皆鯁切
傅亮徵為幕府從事高宗即位授迪功郎令定

遠時郡寇犯境孝友約邑僚會兵出戰邑
僚遁孤軍弗支死之贈朝奉郎官其子

范如圭

字伯達建安人建炎二年進士少從舅氏胡安
國授春秋廷對極論人主正心立志之方力詆

和議宴安之失為考官所抑置乙科授武安節度推
官以薦遷校書郎史館較勘秦檜力建和議如圭以
手書詆檜責其曲學倍師忘讐辱國檜怒如圭與史
官六人疏爭之會金人歸河南檜遂自以為功如圭
曰是亦安能久有因輪對言兩京版圖既入則九廟
八陵瞻望咫尺今朝修之使未遣何以仰慰神靈下

萃民志高宗泣然曰非卿不聞此言立命遣使檜以如圭不先白己益怒之如圭乃謁告歸葬既即以病告差主管台州崇道觀不與人事者十餘年檜死被命入對言為治以知人為先知人以清心寡慾為本又論東南不舉子之俗請舉漢胎養令以全活之亦勾踐生聚報吳之意也高宗善其言為檜黨所擠以直秘書閣提舉江西常平茶鹽臨行奏請籍淮荆曠土畫為卹井以修屯田之政任事者以為迂議遂寢尋改利州提點刑獄請祠時宗藩並建儲位未定如圭雖在外深以為憂嘗擬至和嘉祐間名臣章奏合為一書囊封以獻高宗感動語輔臣曰如圭可謂愛君矣遂決定大計起如圭知泉州復以譖罷領祠如故僦居即武卒年五十九子念德字伯崇從朱熹遊深潛溫厚初授廬陵簿以幹敏聞累遷朝奉郎江東路帥司機宜熹嘗稱念德所著襍言曰持守不差見理漸明後熹疾革手書囑其修正禮書仕終宜黃令

吳球

字元璞政和人建炎三年廷對言陛下任相非人太學生陳東以直諫見誅臣恐異日有指鹿為馬無

敢發其奸者又言陛下有畏避小心而無規恢遠畧

降下州助教紹興二年賜進士出身歷福州教授

李之邵

建安人建炎初為新喻武尉隆祐太后幸虔川扈從軍所過燔掠遂為叛之邵扼之萬全里兵

敗不屈為賊所殺賊帥聞之誅害之邵者邑人立祠萬全祀之

魏行可

字當時甌寧人建炎二年以太學生應募入對曰四郊多壘卿大夫之辱也臣不敢愛其死高

宗鳴咽久之遂補右奉議郎假朝奉大夫禮部侍郎使金人留之逼之仕數曰人誰無死死而為國猶

生也仰天號慟飲鴆而亡贈朝奉郎秘

閣修撰官其二子一弟後復官其孫

胡宏

字仁仲安國子年十五自為論語說編程氏雅言旦夕玩誦安國懼其果於自用乃授以所修通鑑

舉要於是肆力研窮卒傳其父之學張栻師事之紹興間上書畧言察天地莫如屏欲存良心莫如立志徽欽二帝劫於讐敵遠適窮荒引領東望九年於此矣在廷之臣不能對揚天心充陛下仁孝之念陛下即位以來中正邪佞更進更退無堅定不易之誠陳東以直諫死於前馬伸以正論死於後而未聞誅一奸邪黜一諛佞何推中正之力而黜奸佞之難也時高閔為國子司業請幸太學宏昭書責其欺天罔人當忘讐滅理比而敵國之時既不能建大論明天人之理以正君心乃阿諛柄臣希合風旨求舉縟節粉飾太平聞者敬服初宏以廕補右承務郎不調秦檜當國意欲用之宏書辭甚厲人問之宏曰政恐其召故示以不可召之端檜死陳武同汪應辰凌九夏張浚等交薦於朝命至而疾不可為矣所著有知言錄張栻稱其言約義精為通學樞要制治著龜又有詩文五卷皇王大紀十卷學者稱五峰先生

胡憲

字原仲安國從子紹興中以鄉貢入太學時洛學有禁憲獨與劉勉之誦習其說既而學易於涪陵

焦定久未有得定曰心為物漬故不能有見惟學乃可明耳憲喟然歎曰所謂學者非克己功夫耶自是一意下學不求人知己而歸隱故山從臣交薦以母老辭乃賜進士出身授左迪功郎添差福建教授起秘書省正字與王十朋馮方查嵩李浩相繼論事太學生為五賢詩以歌之朱松屬其子受學於憲紹興中年七十卒諡靖肅著有論語會義諸書行世學者稱籍溪先生

胡寧

字和仲安國子用廕補官除勅令所刪定官會秦嬉拜元樞檜問外議云何寧答曰外議以相公必

不為蔡京父子之事也檜怒言者希意論寧兄弟阿附趙鼎乃出寧為夔路安撫司參議官除知澧州不赴奉祠歸安國傳春秋修纂簡討多出寧手又著春秋通旨以羽翼之世稱茅堂先生

胡大正

初名慥字伯誠用季父寅郊恩補官調興化尉鄭僑以疑獄被繫大正奇其人力為辨白且勉

以遠業僑感奮卒以大魁為時名輔以薦發判泉州劇賊羅動天者逼漳甚急泉為隣郡忽近郊有荷芥者四五十人兵捕以聞郡守欲肆諸城下大正不書牘曰賊欲破城乃無戎裝攻具耶詢之果採山菌者郡為番商之會每舶至驗視者得利不貲大正秋毫無取弟大時字季隨始事張栻後事朱熹問荅多所

明發

吳玠

字晉卿崇安縣五夫里人少沉毅知兵善騎射未冠出隸涇陽軍遂為順德軍人建炎二年從統制

曲端為前鋒敵據華川晝宿等長驅入關玠擊敗之陞涇原路副總管富平之敗玠收敗卒保散關東和尚原積粟繕兵列柵為守禦計時朝問隔絕人無固志玠命諸將選勁弓弩分番更射號駐隊矢連發不

絕繁如雨注敵稍却以奇兵旁擊之絕其糧道張浚錄其功為鎮西軍節度使紹興二年復命節制興文龍三州時玠在河池守臣劉子羽招玠入援大戰饒風嶺四年復戰仙人關捷聞拜少師玠與敵對壘且十年常苦遠餉勞民屢汰冗員節浮費治屯田歲收至十萬斛用兵本孫吳務遠畧不求小利御下嚴而有恩卒伍得以情達士樂為之死官至檢校少師開府儀同三司卒謚武安後追封涪王

劉勉之

字致中潯曾孫以紹興鄉舉入太學時元祐道學有禁勉之陰訪二程遺書與胡憲劉子翬曰

以講學為事後被召力辭不赴朱松遣其子熹往師事之屬以後事勉之經理其家撫熹如子弟以女妻之世稱白水生

吳璘

字唐卿玠弟紹興元年箭筈關之戰璘功居多趙遣統制敵兵大入分合三十餘陣璘隨機而應敵

不敢窺蜀者數年除秦鳳經畧安撫使未幾敵渡河入長安趨鳳翔璘遣姚仲扼於石壁大敗之十一年敵攻剡家灣據險自固璘宵掠其營敵驚怖死戰璘以壘陣法敗之降其衆萬人復秦州及陝右諸郡十二年入覲拜階成岷鳳四州經畧使瓦亭之戰敵凡數出璘數敗之孝宗授禪命兼陝西河東路宣撫招討使璘策敵必再爭德順亟馳赴城下而敵兵十餘萬果來攻璘築堡東山以守敵極力爭之殺傷大半終不能克官至太師
新安郡王卒諡武順

翁延慶

字德甫崇安人以父廕補官靖康初知聊城縣舉義兵從王若納等勤王至汴京南薰門與金人

血戰死之官其子世修

孫明允淳祐五年進士

謝譽

字綽中政和人朱松尉政和時以公事行鄉落間閒田舍中有誦書聲入其舍見譽對案危坐讀儀

禮是時士方專治王氏經學松奇之問其姓名與歸授以經史百家之言而勉其所未至後登紹興二年進士調泰寧主簿

以就閒便養歸

劉珙

字共父子羽子以祖幹死節思補承務郎紹興十二年進士乙科累遷禮部郎官中書舍人秦檜

當國欲為其父作謚珙不亟奉行檜怒諷言者論去之檜死累遷吏部郎權直學士時江淮軍務未有所付衆望屬於張浚而詔乃以楊存中為江淮宣撫使珙不書錄黃奏論存中不可用高宗怒顧宰相曰劉珙之父為張浚所知此奏專為浚地耳宰相呂頤論旨且曰再繳累且及張公珙曰珙計國家故不暇為張公謀若為張公謀不為是矣再論愈力命乃寢乾道元年李金為亂以珙為荆湖南路安撫使率衆鼓行數戰皆捷金與其腹心黃谷等數十人皆伏誅而部將趙彥復擒捕湘陰盜劉花三李無對等三十人

於是湖南地方數千里姦盜屏跡擢拜中大夫同知樞密院事請召用汪應辰陳良翰張拭並報可既入西府日召諸軍將佐從容訪問盡得其材器所宜以待選用詔兼叅知政事與陳俊卿同心輔政因奏自今聖旨不經三省密院者所下之官皆請俟奏審乃得行孝宗不悅罷為端明殿學士改知隆興府江南西路安撫使明年除資政殿學士知荆南湖北路安撫使詔委視襄鄂兵屯並邊形勢珙措置處畫各有條理以艱去任起復除知潭州安撫湖南淳熙二年除知建康府安撫江南東路留守行宮會歲水旱珙大行賑貸閭境數十萬人無一捐瘠流徙者被旨覽城面丈以萬計者數千用錢八千萬米千五百斛而役不及民孝宗賜手劄勞獎賚鞍馬器物甚厚進觀文殿學士請致仕臨卒草遺奏千餘言極言近習用事之禍年五十五贈光祿大夫賜諡忠肅所著有文集八卷奏議十卷内外制二十卷

朱熹

字元晦一字仲晦其先婺源人父松為尤溪尉寓溪南生熹初依劉子羽居崇安晚遷建陽之考亭

紹興十八年進士主同安簿用輔臣薦召赴行在有沮之者遂以疾辭孝宗即位求直言熹上封事興隆元年召入對君父之讐不共戴天非戰無以復讐非守無以制勝時湯思退方倡和議洪适為相復主之不合歸大臣陳俊卿劉珙魏懷之胡銓相繼論薦辭梁克家相申前命又辭孝宗曰熹安貧守道廉退可嘉改主管台州崇道觀熹以求退得進於義未安再辭淳熙元年始拜命五年知南康軍至郡值歲旱講求荒政多所全活訖事奏乞依格推賞納粟人間詣郡學進士子與講論復白鹿洞書院遺址為學規俾守之明年夏大旱疏極言時政闕失以陳俊卿力薦除提舉江西常平茶鹽公事旋錄救荒之勞除直秘閣改浙東入對陳修德任人之說孝宗為之動容熹以奏請多沮抑不行行亦稽緩值旱蝗相仍不勝

憂憤復奏言為今之計獨有斷自聖心沛然發號出
內庫之錢以供大禮之費為收糴之本詔戶部免徵
舊負漕臣依條驗放租稅宰臣沙汰被災路罷州軍
監司守臣之無狀者遴選賢能責以荒政庶幾下結
人心消其亂萌九年知台州論唐仲友狎邪溺職孝
宗奪仲友官尋乞奉祠言所劾賊吏黨與衆多並當
要路若其加害於臣不遺餘力則遠溯師友淵源亦
復橫肆觝排惟有乞身就閑少紓患害時吏部尚書
鄭丙上疏毀程氏學以陰詆熹而監察御史陳賈面
對乞擯棄道學勿用故熹有是言十年主管台州崇
道觀十四年除提點江西刑獄十五年入奏首言近年
刑獄失當次言經總制錢之病末請謹察天理人欲
之分內侍甘昇用事熹復力以為言除兵部郎官遂
以疾乞祠侍郎林栗與熹論易西銘不合至是遣部
吏抱印逼以供職熹以疾告遂劾熹欺慢孝宗謂栗
言太過除直寶文閣主管西京嵩山崇福宮又投匭

進封事疏入夜漏下七刻孝宗已就寢亟起秉燭讀之終篇明日除主管太乙宮兼崇政殿說書光宗即位除江東轉運副使未赴會使者自金還金人問朱先生安在遂改知潭州奏除屬縣無名賦七百萬減經總制錢四百萬采古喪葬嫁娶之禮揭示以變民俗寧宗即位用趙汝愚薦除煥章閣待制兼侍講韓侂胄自謂有定策功居中用事熹上疏斥言竊柄之失因講筵每申言之御批云憫卿耆艾恐難立講已除卿官觀汝愚袖御筆還上且諫且拜內侍王德謙徑以御筆付熹臺諫爭留不可熹行被命除寶文閣待制與州郡差遣辭詔依舊煥章閣待制提舉南京鴻慶宮沈繼祖為監察御史誣熹十罪詔落職罷祠慶元四年熹以年近七十乞致仕五年依所請明年卒年七十一嘉定元年賜諡曰文尋贈中大夫特贈寶謨閣直學士寶慶三年贈太師追封信國公改徽國公從祀孔子廟廷本朝康熙五十一年奉

旨升配 大成殿十哲之次著有文集一百卷生徒問答八十卷別錄十卷子塾字受之廕補將仕郎塾字文之廕補迪功郎贈朝奉大夫在有傳

熊克

字子復建陽人紹興二十一年進士知諸暨縣會越帥課賦急諸邑率督趣以應克曰寧獲罪不忍

困吾民府遣幕僚閱視有無時方不雨克對之泣曰此催租時耶部使者薦之入為提轄文思院累遷學士院孝宗召諭曰卿制誥工且有體自此燕閒可論治道克自以見知於上數有論奏嘗言邊事宜以和為守以守為攻守則莫重淮東淮東之策莫若即江陰建水軍置巡簡警督之名為備盜無使敵疑即緩急可相應孝宗嘉之召草明堂赦書言二浙薦饑蝗蟲大起赦文不宜飾詞孝宗嘉其識體除起居郎兼直學士院以讒出知台州奉祠卒年七十三所著有中興小歷九朝通畧官制新典帝王經譜諸子菁華

等書

劉頴

字子誠建陽人與韜同祖朝之七世孫也紹興間為廣州叅謀盜蔡母謹等陷三水鎮帥兵勦捕後

為淮東提刑金主亮趨淮東力戰死之謚忠簡

劉懋

字子勉建陽人嘗從劉子翬胡寅學易象天文地理律歷之興無所不通授迪功郎任會昌西尉秩

滿奉祠監衡州南嶽廟以朝奉大夫致仕學

魏揆之

字子實建陽人少師事胡憲嘗客衡州章傑家故相趙鼎以謫死歸葬常山傑希秦檜意逮繫

其家人甚急揆之作書懇讓長揖歸詔舉遺逸部刺史薦其行誼詔徵之以布衣入見極論當世之務孝宗獎嘆賜同進士出身守太學錄釋奠孔子先事白宰相陳俊卿請罷安石父子從祀而追爵程氏兄弟

從祀廟廷凡宰相不能正臺諫侍從不敢言者無有不抗疏盡言以迎親予告歸罷為台州學教授尋卒孝宗嗟悼久之贈直秘閣提之故與朱熹遊去國時熹正被召將行聞提之出國門乃止子應仲字伯孝舉進士朱熹貽之書勉其力學以副親庭責望之意

吳居仁

字溫父建陽人以特科授古田尉歷節度推官所至以儒術飾吏治及歿無以為殮朱熹嘆曰

溫父可謂真廉吏矣

詹體仁

字元善崇安人隆興元年進士調浮梁尉宰相梁克家薦於朝累遷太常丞光宗即位為太常

少卿光宗疾省重華宮不以時中外駭懼體仁深陳父子至思率廷臣交疏迭諫孝宗崩趙汝愚將定大策密令體仁及左司郎官徐誼達意少保吳玠請憲聖太后垂簾為援立計寧宗登極極天下晏然體仁與

諸賢協贊汝愚之力也時議謚體仁言壽聖皇帝事
德壽二十餘年諒陰三年不御常服宜謚曰孝卒用
其言以論孝宗山陵與宰相異議出知福州尋罷徙
居雲川諷詩讀書悠然自得起知靜江府始至勞農
觀田器薄小不足以盡地力乃教之更造為圖授之
開十餘縣稅銀二萬四千蠲雜賦八千移知鄂州除司
農卿再總湖廣餉事開禧二年卒體仁幼學於朱熹
沉潛經訓屬意星象著象數義又嘗以今樂譜古詩
方響無不協和鄙人真德秀嘗問居官蒞民之法曰
盡心平心而已心盡則無愧平則無偏人服其確論
周春年
字春卿浦城人以廕補將仕郎調象山薄瀕海
多盜春年籍其名咸置法俗為大變擢撫州判
官疏和買之害民深德之改知仙
遊縣歲饑計戶授粟民賴以濟

張次高

字寬夫浦城人以廕歷知邕州講馬政又乞減
放廣東丁米孝宗俞其請許以便宜從事徵外

蠻蜚接壤交爭次高單騎渡江面慰撫之盡得良馬
留邊甚久民安之朝廷方欲召用以疾乞祠未下卒

官至朝

奉大夫

袁

樞字機仲建安人幼力學嘗以修身為弓賦試國子
監周必大劉珙皆期以遠器試禮部詞賦第一乾

道七年除太學錄輪對三疏一言開言路以養忠孝
之氣二論規恢復當圖萬全三論士大夫多虛誕僥
榮利張說自閤門以節鉞簽樞密樞詣宰相虞允文
示以奏疏且曰公不恥與噲等伍耶即求外補出為
嚴州教授叅知政事龔茂良取樞所撰通鑑紀事本
末以奏孝宗讀之嘉嘆以賜東宮及江上諸帥令熟
讀之遷太府丞時議者欲制宗室應舉鎖試之額限
添差獄祠減臣僚薦舉定文武任子嚴特奏之等展
郊裡之歲緩科舉之期樞謂此皆狹窄之論人君惟
天是則不可行也遂抗疏勸孝宗推廣大以存國體

尋兼國史院編修官分修國史章惇家以其同里宛轉請文飾其傳樞曰子厚為相負國敗君吾為史官寧負鄉人不可負天下後世累遷吏部郎官命視真楊廬和四郡早歸陳兩淮形勢除吏部員外郎遷大理少卿通州民高氏以事下大理殿中侍御史冷世光納賂曲庇之樞以其事聞孝宗怒立罷光世詔樞權工部侍郎兼國子監祭酒寧宗即位擢右文殿修撰知江陵府尋被劾提舉太平興國宮開禧元年卒所著有易傳解義

辨異童子問等書

周明仲

字居晦建陽人乾道五年進士官宣教郎常平使者宋若水知其賢以魏掞之所立長灘社倉

事屬之明仲立為振葺兼朱熹夏貸冬斂收息什二之法行之三年歲收溢額朱熹為作記稱之弟明作從朱熹學著有

壬子問答語錄

劉燭

字晦伯懋子與弟炳同受學於朱熹舉乾道八年進士歷知閩縣臺府合詞列薦以與丞相趙汝愚

有舊避嫌乞判潭州孝宗升遐光宗疾不能執喪人情憂疑寧宗受內禪燭寓書汝愚言前日之事如傷寒熱病狂言迷悶庸醫所驚一旦解散即便無苦至於蠱毒中人初不知覺觸物而發則必死矣燭意蓋指韓侂冑而汝愚不能用父艱服除知德慶府入對請恐懼修政開言路進人才飭邊備為宰臣陳自強所沮提舉廣東常平茶鹽嘉定二年召對除吏部郎中乞外除兩浙西路提點刑獄召為國子司業輪對言治道原於士風士風本於學術藝祖皇帝干戈甫定之餘呂處士王昭素講易禁中累聖相承以為先務治教休明儒宗間出然後六經遺旨孔孟遺文復明千載之後慶元以來權佞當國惡人議已指道為偽十餘年間學者無所依向義利不明趨向汙下望其立名節修職業胡可得也乞降明詔罷道學之禁

又錄朱熹白鹿洞學規以進請頒下兩學從之以郊祀恩特封建陽縣開國男食邑三百戶尋為刑部侍郎疏請獎忠諫以作士氣戒故佞以肅百僚又言文吏任州縣以節用愛人為本武吏任將帥以醖賞得士為先願今日任將之道上法太祖權工部尚書兼太子右庶子兼講讀每講讀至經史所陳聲色嗜慾之戒輒懇切再三以年過七十請謝事不允詔勉輔導疾作遂不起年七十三贈金紫光祿大夫謚文簡所著有奏議史稿經筵故事東宮詩解易經說禮記解講堂故事雲莊外藁續稿若干卷弟炳淳熙進士累官兵部郎中朝請大夫著有睦堂類稿四書問目綱目要畧堂銘故事炳授進賢丞遷固始令

歐陽光祖

字慶嗣崇安人從劉子翬朱熹講學熹遣子師事焉乾道八年再舉登第不赴趙汝愚張

拭薦於朝方欲召用而汝愚去國後為江西運幹致仕卜築松坡之上湛然終老

蔡元定

字季通諒孫居西山絕頂貫通經史聞朱熹名往師之熹叩其學驚曰此吾老友也不當在弟

子列每釋經書必與元定論辨而後定廷臣交章論薦以疾辭會偽學禁起熹首被黜元定謫道州至春陵遠近來學者衆或謂元定宜謝絕生徒元定曰彼以學來吾何忍拒之若有禍患亦非閉門塞竇所能避也貽書訓諸子曰獨行不媿影獨卧不媿衾勿以吾得罪故遂懈也居貶所二年卒謚文節學者稱西山先生所著書有大衍詳說律呂新書燕樂言辨皇極經世太元潛虛旨要洪範解八陣圖說陰符經運氣節畧脈書及雜說若干卷子三淵沈沆淵字伯靜號節齋有周易訓解行世沆明春秋大旨及周易等書學者稱為復齋先生沈見下傳

蔡沈

字仲默元定子從父謫道州跋涉數千里父子相對怡然元定卒徒跣獲喪歸年三十肩去舉子業

一以聖賢為師從朱熹遊熹晚年欲著尚書傳未及遂以屬沈洪範之數學者久失其傳獨元定心得之然未及論著每曰成吾書者沈也沈既受父師之說沈潛反覆數十年然後成書多發明儒先所未及至今學者宗之元定著律呂書演八卦圖為朱熹所嘆服學者罕窺其奧間以問沈毫析縷解至象緯運行陰陽向背厯厯如指掌卜居九峯山當世名公卿每物色之不可得學者稱九峯先生卒謚文定明正統中從祀廟廷成化三年進封崇安伯

劉崇之

字智父領弟淳熙二年進士累遷著作郎朱熹罷經筵崇之請留之轉朝請大夫偽學禁興力

請外久之除成都提刑條蜀民利害九事尋節制四川平吳曦亂除荆湖北路提刑被劾安置永州開禧中四川宣撫使安丙表陳崇之不污之節乞加甄叙詔復原官卒謚文忠

徐應龍

字亢叔浦城人淳熙二年進士累調湖憲司簡法官白劫盜寃獄改知高安縣呂祖儉忤韓侂

冑誅死應龍經紀其喪遷知南恩州職滿陳自強當國故與同舍諭留之應龍不答丐雷州而去以薦遷國子祭酒兼崇政殿說書累遷刑部尚書兼侍讀指陳時政與宰相史彌遠不合改兼太子詹事乞祠建歸奏乞立皇太子徙吏部尚書以煥章閣學士提舉嵩山崇福宮卒贈開府儀同三司謚文肅累贈太師公魏國

熊以寧

建陽人少從朱熹遊淳熙五年進士授光澤簿剛直正大一介不妄取與嘗曰學顏子之學志

伊尹之志分內事也有大學釋義中庸續說行世

張彥清

字叔澄浦城人早從朱熹遊得其大旨紹熙元年進士光澤主簿嘗被檄試士三山時偽學之

論方熾同列以是發策士子希主司意爭詆訾先儒
彥清獨取持議不阿者陳自強嘗校文於建寧彥清
其所取士及自強為相屢欲鉤致彥清弗屑就後自
強敗衆服其有守歷知慶元縣以疾請主管台州崇
觀道

詹師文

字叔簡崇安人慶元二年進士調婺源尉境內
盜發率土兵捕獲之再調江西憲司簡法官獄

無冤者討平赤水峒寇秩滿歸與真德秀鄒應龍交
遊有慢亭遺藁通典編要子夢瑩於寶祐間登第

徐鳳

字子儀浦城人慶元二年進士歷官宗正丞兼學
士院掌宗給筆札俾言時政時山東諸豪新有功

猶未見跋扈狀鳳預防其變請置部落散黨與以解
其邪心遷秘書少監以疾乞外直顯謨閣知贛州致
仕卒所著有內制十卷十歲一卷文集二十卷子莘
老以廢歷禮部尚書華老嘉熙進士累官朝散大夫

孫夢發嘉熙進士累官朝議大夫廣東招捕使元兵南下夢發守仙霞襲兵猝至左右皆散夢發踞堂大詬遂遇害

詹淵

字景憲崇安人慶元五年進士調臨江戶曹掾數十年滯牘一閱得情部使者檄致幕府環十一郡

之民有求質者皆請屬淵時為語曰寧不詹寬不願他官

真德秀

字景元浦城人慶元五年進士嘉定初遷太學博士入對言自韓侂胄專政以偽學屏斥忠良

今日正當褒崇名節明示好尚累遷起居舍人兼太常少卿充金國賀登位使及盱眙開金人內變而還疏上邊防要事時史彌遠方以爵祿縻天下士德秀慨然謂劉燾曰吾徒須急引去使廟堂知世亦有不肯為從官之人遂力請外出為江東轉運副使朝辭日奏國恥不可忘隣盜不可輕幸安之謀不可恃導

諛之言不可聽至公之論不可忽後以實謨閣待制
湖南安撫使知潭州罷權酷除斛面免和糴立惠民
倉慈幼倉社倉以甦其民月試諸軍習射理宗即位
召為中書舍人擢禮部侍郎直學士院理宗初御清
暑殿德秀侍經筵進曰此高孝二祖儲神之地仰瞻
楹桶當如二祖實臨其上惟學可以明此心惟敬可
以存此心惟親君子可以維持此心前後屢進讜言
理宗皆虛心開納而羣小陰擠之遂以煥章閣待制
提舉玉龍宮旋落職罷祠監察御史梁成大請加竄
殛理宗曰仲尼不為已甚乃止紹定四年改職興祠
五年進徽猷閣再知泉州諸邑二稅嘗豫供至六七
年德秀入境首禁之決訟自卯至申未已曰郡邑周
弊僅有政平訟理可以惠民建炎初置南外宗正司
於泉中公族僅三百人至德秀時增至二千三百餘
人俸緡無措德秀請於朝增給度牒以足之尋以顯
謨閣待制知福州戒所部無濫刑橫斂無徇私蹟貨

罷市令司革閭縣里正屬邑苦貴糴便宜發賑海寇縱橫次第擒滅召為戶部尚書入見以大學衍義進改翰林學士知制誥踰年知貢舉拜叅知政事三乞祠進資政殿學士提舉萬壽觀兼侍讀卒贈銀青光祿大夫謚文忠所著西山甲乙藁對越甲乙集經筵講義端平廟議翰林祠草四錄獻忠集江東救荒錄清源雜志星沙集明正統間從祀孔子廟

熊節

字端操建陽人十歲讀易即知問難至通曉而後止慶元五年成進士廷對條陳三德累官通直郎

致仕有中庸解三卷智仁堂稿十卷又有性理羣書

胡翔卿

字仲集崇安人嘉泰二年進士調武陵尉值湖右旱饑人至相食翔卿以郡委驗視因懇勸分

減賦發常平濟之尋改桂陽錄叅遷橫州判官郡俗有病者潛殺人取肉以療謂之採生翔卿嚴正其罪

害遂除

朱在

字叔敬，熹子。用廢補官。嘉定初，除籍田令。歷知信州，入對以進。學問振紀綱，求放心為言。寶慶中，除

工部侍郎，進對論人主學問之要。理宗曰：「先知中庸，序言之甚詳。」因奏閔損以下九人並封公。爵獨曾參為侯，乞並封公。楊雄、王雱乞去，其像本朝有程顥、程頤、張載三人乞從祀廟。廷除吏部侍郎，以寶謨閣待制知平康府，遷煥章閣待制。知袁州，奉祠卒。子蛭通直郎，兩浙運管。

李華

字實夫，崇安人。嘉定四年進士，調連州法曹。州楞伽峽崩，水壞城郭。華身任疏鑿，民免昏墊。郡守留

元長，遣學華出俸錢五十萬充役。辟翁源，令人曰：「此瘴鄉也。」華笑曰：「令之仕者視上官為懼，喜氣餒心，搖厥病甚。瘴但能無愧俯仰匹夫匹婦，無所患苦焉。」能瘴予，紹定間汀寇猖獗，禁卒誰呶華護王祖軍入閩。

平之捷聞進三秩除太府簿直華丈閣乃撤新邸治
削苗斛鹽價置均濟倉推見錢六千緡為糧本得米
五千餘石以蘇凋瘵進直徽猷閣兼湖南安撫轉廣
東運使真德秀論當世人物如華者僅一二屈指而
已

熊剛大

建陽人少穎敏從蔡淵黃幹遊問學精專操行
篤至嘉定七年進士為建安教授所著有詩經

註解性理小學集解
學者稱古溪先生

徐榮叟

字茂翁應龍子嘉定七年進士歷永康令以賑
饑得民心嘉熙中拜右諫議大夫入對言朝廷

當以節義勵士大夫則緩急必無求生害仁之事拜
端明殿學士簽書樞密院事淳祐二年叅知政事李
韶與宰相議不合求去榮叟發憤曰韶議論無阿朝
廷如此人絕少安可去耶宰相銜之除資政殿學士

提舉洞霄宮致仕卒贈金紫光祿大夫謚文靖所著
緝熙講義諫垣存稿西掖代言南宮表箋橋坡雜著
等書

徐清叟

字直翁應龍子與兄榮叟同舉進士調太平教
授冠犯宣城制司今川禁米石渡清叟曰冠未

至奈何先自推赤子魚腹中守從之淮民得渡者三
萬餘紹定初遷籍田令應詔請惜名器以示正義因
人望而進人才蓋欲抑史彌遠恤典用真德秀魏了
翁也端平二年除殿中侍御史疏議三漸尤為痛激
歷廣西經畧福建安撫累遷端明殿學士簽書樞密
院事叅知政事余玠專制全蜀理宗召還遣余晦代
之制下清叟奏晦素無行誼不堪重任理宗不聽清
叟乞罷政不許竟不押晦誥勅寶祐三年令民自實
田畝清叟爭曰此秦法不可用福建二廣湖北尤當
少寬遂不果行尋乞祠歸開慶初召提舉冲佑觀魚

侍讀出知泉州景定
中致仕卒贈少師

游九言

字誠之建陽人父嘗湖南安撫叅議官九言銳志當世熟南北事初為古田尉入監文思院被

旨視行在近邑災傷歸白都堂免苗米八分以上時偽學禁方嚴九言痛詆之調全椒令應荆鄂宣撫叅謀官卒端平中特贈直龍圖閣謚文靜號默齋先生

游九功

字勉之九言弟以廕補官歷荆鄂宣撫司時德安戍兵潰九功開誠撫諭衆皆帖服嘉定中興

元失利九功知金州將兵備禦收復隣疆入為兵部郎官首言守邊必先結人心又言征役無藝以資苞苴囊橐而民心失將帥朘削功賞不以時下而軍心失倚仗諛佞護疾忌醫而士大夫之心失被論知泉州端平初召為司郎少卿歷權刑部侍郎乞祠除待制卒九功清慎廉恪講明理學平生真體實踐本於

誠意寶祐中謚文清

學者稱受齋先生

宋慈

字惠父建陽人嘉定十年進士歷湖南提刑以朝請大夫直煥章閣帥廣東致仕卒慈居官以民命

為重嘗作洗冤錄及卒理宗以其為分憂中外之臣有密贊間畫之寄特贈朝議大夫御書墓門旌之

葉味道

以字行其先括蒼人徙居建陽師事朱熹試禮部第一嘉定十三年舉進士理宗訪問朱熹弟

子及所著書部使者以味道聞差主管三省架閣文字累遷崇政殿說書故事說書止用通鑑而不及經味道請先說論語詔從之三京用師廷臣邊聞交進機會之說味道進狀以為開邊浸濶應援倍難科配日繁饋餉日逼民不堪命每經筵奏事無日不伸言之人謂其見微慮遠遣秘書著作郎卒帝震悼出內帑銀帛賻喪謚文修升一官所著有四書說大學講義易會通祭法宗廟廟享郊社外傳經筵口奏故事

講義子采字仲圭從蔡淵李方子學淳熙初登第著有集解近思錄西銘性理等書累官翰林院侍講

劉垕

字伯醇煥子寶慶三年知江寧縣制閫以賢能薦於朝俾兼幕府以收李全功轉朝請大夫歷知衡

州移南劍州不赴與學徒熊竹谷輩講道終身學者稱靜齋先生所著有毛詩解家禮集註心經集說子

欽字子時從蔡沈學精於易以廕補官歷知南康縣管內勸農事會江汀邵寇竊發欽募義勇擊破之陞

殿中侍御史同知樞密諫院事以疾歸武夷築小隱堂終焉終朝請大夫謚忠簡著有書經衍義文集

卷十

朱鑑

字子明熹之孫以廕補迪功郎累遷奉直大夫湖廣總領寶慶間隨季父在遷居建安之紫霞洲建

熹祠於所居左子孫入建安自鑑始

翁市

字景山崇安人寶慶二年進士知西安縣時以最上開監登聞鼓院召對稱旨除資善堂直講舊有提

點中官對拜之禮甫抗論其非理宗嘉納兼太常博士尋以太常卿兼編修實錄院檢討時有集慶太乙宮之役甫極論其害不報出為江西轉運使改知泉州未赴聞有太學生言事被誦者憂憤感疾卒著有蜀漢書浩堂類稿英雄錄外制集奏稿讀書壁記

劉純

字君錫崇之子以父廕授沙縣簿紹定己丑開寇晏頭陀等嘯聚破寧化清流將樂陷劍南犯建寧

純招義勇千人討之詔號其軍曰忠武與招捕使陳韓擊破連城潭飛潔諭降七十餘寨頭陀計窮伏誅邵武盜劉安國者鼓衆而起官軍不能敵建寧復騷擾建守趙紡夫請於朝移純軍於縣命下即行斬賊酋二人以獻會吁守遣邑令將兵來援賊圍之純斬數賊令得出又入富田勦其渠魁賊懼合諸寨攻純

純遺淮西軍擊之安國就擒次日純率兵招降為賊所獲不屈死之事聞贈朝散郎謚義壯立二廟於邵武麻沙賜額忠烈建人以給子羽珙領共稱曰五忠劉氏

蔡模

字仲覺沈長子隱居萬學王莖創建安書院請任席長嘗輯朱熹書為續近思錄及易傳集解河洛

探賾大學衍論語孟等書淳祐中宰相謝方叔湯恢乞表異以勸後學有旨補迪功郎添差本川教授令有司錄所著書并訪以所欲言模疏言敬義為萬世帝王心學大旨介人大師等六者為國家守邦要道又請頒白鹿洞學規於

天下學者稱覺軒先生

蔡杭

字仲節沈次子紹定二年進士歷諸王宮教授奏對論正心及內降斜封之弊又言權奸不可復用

國本不可不蚤定累遷工部侍郎權吏部尚書除端明殿學士同知樞密院事拜叅知政事致仕卒謚文

肅

熊禾

字去非號勿軒建陽人有志濂洛關閩之學從朱熹門人遊舉咸淳十年進士授汀州司戶叅軍入

元不仕謝枋得聞禾名自江右來訪抱持而哭曰今天下皆賊也不為賊者足下與我耳嘗與江西胡庭芳論學謂秦漢以下天下所以無善治儒者無正學也儒者所以無正學六經無完書也因念熹平生精力在易四書詩經若儀禮則僅完書開端而未及竟三禮雖有通解缺而未補黃勉齋楊信齋粗完喪祭二禮為考亭與門人三世未了之書乃與庭芳分任其責講切十有七年其後修儀禮未及成書卒福寧陳益足而成之所著有三禮考異春秋論考經序學解

朱浚

字深源熹三世孫累官兩浙轉運使兼吏部侍郎尚理宗公主元兵入建寧王積翁棄城遁浚與公

主入福州與知府王剛中死守元阿剌罕侵福安剛中以城降後與公主仰天大哭曰君帝室王姬吾大儒世胄不可辱遂飲藥死贈朝散大夫

彭九萬

字好古崇安人豪氣激發睥睨一世嘗選為太學生抗疏論賈似道奸狀不報宋亡遂隱不

仕後黃華寇亂以兵脅

降九萬斥之遂遇害

周嗣武

字功甫浦城人以廕歷臨州丞除夔州運判改湖北提刑有平蠻擒功執政以嗣武稽覈四川

財賦奏乞於成都潼州兩路科買一年以寬民力又

奏蠲興元茶息錢引二十萬又言蜀號天險舍劍門

無他路近歲丈川開青唐嶺利州開馬道院率別駕

棧道以引商販悉宜撤之召為戶部侍郎卒弟嗣恭

以廕仕至

朝散郎

楊孝定

字人靜以廕補官歷知銅陵弋陽二縣民有兄弟訟財孝定泣諭之曰以財物之微傷手足之

愛同氣連枝義如是耶言已又泣曰此皆當官不能以德化民致汝輩至是爭者感泣退不復訟孝定事

母至孝母卒廬墓

終喪鄉閭稱之

雷龍濟

字畊祿號師古建安人鄉貢進士憤宋垂亡耻臣二姓舉義兵赴崖山圖復力不克歿萬石灘

元

雷德潤

字志澤建安人學邃於易旁通諸子律歷術數諸書除福州路教授積學庾餘貲買田三百餘

畝以給貧士號義士庄人為建祠學宮調長樂簿卒

雷機

字子樞德潤子延祐五年進士授古田丞歷調興化尹察豪強數家置之法邑中賦役不均率吏民

首實而品第之日更一吏主牘民呼為雷神累擢延
平總管府推官數縣滯獄悉得解釋江州羅天麟作
亂機立堡柵集丁壯盜不敢犯陞惠安尹振興學政
以禮讓化俗治行為諸邑最代還民立祠樹碑改汀
州總管府推官乞休歸陞翰林院待制階朝散大夫
所著有龍津龍山鄞川環中黃鶴磯梅易齋碧玉環
七稿機與弟拱杭俱以易名於時有周易註解行世
稱雷門易杭進士知潮陽縣以死事贈奉化知州子
樂泉州巡檢討閩中寇亂死之贈上
杭主簿燧洪武中授翰林院編修

葉景仁

字天德松溪人至政間由政和尉陞浦城尹奉
檄討政和西里寨寇值歲飢出家貲餉兵率先

入南里遇賊邀擊破之擒渠魁撫其脅從次日進攻
賊巢抵西里蛟龍橋賊悉衆來拒景仁復敗之乘勢
深入後援不繼為所執
斷其右膊大罵而死

鄒文慧

字季和建安人元末棄官歸服柴桑巾服與門徒講論程朱之學學者宗之

明

丁顯

字彥偉建陽人洪武乙丑會試第三人及廷試顯居首唱先是太祖夢三絛陞地及傳臚三人姓名

俱有絲與夢叶太祖甚喜賜狀元授翰林修撰後坐言事謫廣西馴象衛死謫所太祖聞之怒曰顯年少自喜吾故裁之武將何得不護持令其齋志沒耶悉論武將罪

方直

字孟周崇安人洪武間由邑諸生授萍鄉尉改豐城呂入丈淵間纂修實錄尋知海寧縣改新鄉用

薦入為御史綽有風裁後以不避權勢見阻出宰新喻致仕歸

姚志

字伯啟崇安人由監生知束鹿縣邑被兵後流移未復志課農桑通商賈嚴戒猾胥薄雪冤獄三年

治化大行秩滿邑人懇留再任及致政相率泣送於郊

張智

字元畧建陽人昇之子博學工文詞洪武初以明經薦授夷陵州學正召陞禮部右侍郎制度儀文

多所建明坐累左遷國子學錄後陞國子司業卒

黃童

字仕釋政和人以太學生擢陝西按察僉事左遷寧遠丞永樂初拜監察御史按蘇浙平望八尺盜

賊藪匿童捕獲無遺仍奏於湖口置石隄為水門時其啟閉劫掠之患遂息後遷廣西副使卒於官

楊榮

字勉仁建安人建文庚辰進士授翰林院編修永樂初與楊士奇等七人選入文淵閣典機務榮年

最少而警敏通練一日寧夏警報至獨榮侍內以奏示之榮對曰聞寧夏城堅士習戰度敵今且退勅守臣隄備可耳夜半報圍解旦召榮曰何善料也陞修撰以榮習邊事凡三奉使及北征榮皆扈從十八年

進文淵閣大學士兼翰林學士階奉政大夫北京營
建規制多出於榮三殿災魔衛士遷御書圖籍仁宗
即位累進太子少傅謹身殿大學士階資善大夫賜
繩愆糾繆章特陞工部尚書前官如故其冬勅護葬
山陵總裁太宗實錄宣宗即位復命總裁仁宗實錄
益推心委任時號東陽宣宗親征漢庶人棄交趾之
議皆自榮發之三年賜勅褒諭賜鍍金銀刻圖書五
顆五年進少傅階榮祿大夫英宗即位復護葬山陵
總裁實錄進少師正統初天下休息榮有力焉五年
請告歸命中官護行卒於武林驛贈特進光祿大夫
左柱國太師諡文敏

雷填

字原中建安人建文庚辰進士授工科給事中糾
劾無避永樂二年鎮守蘇松常三府撫綏兵民一

歲中章四十上繼奉命巡撫廣西搏擊豪
強卒於官瘞衣半篋詩文稿數帙而已

陳琪

字良玉甌寧人永樂初由監生判常州郡有猾吏官莫能誰何琪繫至庭杖斃之有富室周某某語人

曰陳西衙杯茗款我當千金為壽或告琪琪若不聞也未幾檄治孟瀆河召周諭之曰聞欲千金壽我與其私一人孰若公之孟瀆之河堤圯吾若若能為我辦此乎曰謹如教遂完堤秩滿民詣闕保留進奉直大夫協正庶尹仍判常府事

徐善安

字敦復浦城人以薦舉官御史備兵台州永樂初方孝孺死難善安匿其姪妾事發受杖至斷

臂不吐實坐遣戍董其昌建求忠書院祀孝孺以善安配享

鄒烜

字允輝建安人永樂戊子舉人授監察御史糾奸觸邪不避權勢時有奏江陰侯不法者烜奉命訊

鞠之盡得其情奏論之不少諱坐此為權貴所唧陰中之左遷銜經歷稍遷德慶同知尋以卓異擢沔陽

知州致仕卒

陳遜

字必恭浦城人永樂乙酉舉人卒業太學嘗同監察御史甄庸行部廣西清理案牘豪民朱普秀以

爭田謀殺鄉人廖昌子賄有司得不死謫役平樂州
遜聞牘疑之秉燭夜坐聞聽外若有訴冤聲旦直其事論普秀於法壬辰第進士試大理兵部皆有能聲
擢監察御史奉命按北京河間鹽場奏官吏奸弊逮
運使梅應魁等數十人巡按陝西劾左叅政王晏按
察使劉迪貪濁罷軟狀悉抵罪又劾右布政楊恭按
察使韓春尋坐累輸作房山逾年復職復按吳中上
海民濮宗文聚亡賴子弟數千行劫官軍不能制遜
以計擒之復捕建蘇松諸郡縣黥吏為民害者千八
百人松江民顧阿虎母為豪右陳昇所殺嚮其肉以
飼狗阿虎訴於郡昇厚賄官吏反誣阿虎舊嘗為盜
閩室九人皆伏重法遜廉知其冤釋之械昇父子於

京師磔於市尋巡按北直隸宣德初秩滿陞雲南布政司右叅議晉右布政使

鄭以誠

字彥思既寧人永樂甲午舉人授吏科給事中陞雲南叅議招撫千崖南甸流民二千五百餘

戶開怨通海河西二縣荒田二千五百餘畝土官刺馬非南八關殺不已奉命往諭解之致仕卒

黃仲芳

字時茂既寧人永樂乙未進士選翰林庶吉士仁宗在東宮嘗語楊士奇曰孤介自守英邁異

人惟見一黃仲芳也出知東陽首鋤奸豪鄰郡盜犯境以計殲之擢湖廣左叅議施州土官田姓者殺兄而奪其官仲芳擒置之法還雲南右叅政時宦者王振竊權芳自外具疏論劾振忌之會振敗得免卒於官

雷鏐

字有融建安人填從子永樂戊戌進士選翰林院庶吉士改監察御史巡按雲南奏戮內臣拏辦害

政者十九人有守帥驕蹇不法以厚利啗蹇不受守帥懼預遣人構之京師蹇復命出知蕪湖縣都御史顧佐特薦於朝陞浙江按察司僉事浙江草寇葉宗留竊發設計勦滅之勅巡視福建浙江海道未幾卒

浙人作詩賦哀之

雷吉生

字祐之建安人永樂辛卯進士為御史歷按江西湖廣山東風節凜然高煦將為不軌吉生廉

其事以聞不報後高煦反吉生以先言得免尚書李慶恣睢公卿聞吉生露章劾之出知交趾宣化縣時羣蠻初附人心頑梗畏吉生嚴明遂

配

之後慶敗擬召用而吉生已卒

滕康

字景晉既寧人永樂庚子舉人通判松江正統初改判惠州即惠水溢糧從海運民苦之康申請得

就近輸納豪右多侵貧戶悉為覈正廣寇黃蕭養起康修城塹治戰備與民固守於城東隅治浮梁賊至

民賴以濟擢守本郡子

通以孝聞孫祐有傳

張善

字性之浦城人永樂辛丑進士授監察御史以廉介自持出按廣東馬軍林思祐倚權縱暴善捕其

黨三千餘人置諸法尸思祐於市民害以除正統間致仕

滕員

字尚然甌寧人宣德丙午舉人正統初授韶州同知韶地介江閩湖三藩之衝客戶多於土著少拂

其意輒相煽為弗靖員巡行開諭許以占籍遂與編戶無異值歲祲傾囊告糴命里正籍其尤富者給之糧禮部郎中正統乙巳扈駕北征死土木之難贈奉政大夫官其子弘

龔錡

字台鼎建安人宣德庚戌進士授翰林編修正統間沙尤盜起錡為大軍鄉導至高陽里被害錡性

孝友博學好吟咏善書著有蒙齋集十卷子沅字孔殷成化進士累官督稅兩浙

雷潛

字孔昭建安人宣德壬子舉人正統初授武選司主事遷工部屯田司郎中扈從北征死於土木贈

奉議大夫錄

子文英入監

黃智

字惟哲浦城人景泰庚午舉人任化州知州鄰寇犯界智與戰親冒矢石殲其渠魁後臨陣中矢死

楊瑛

字希玉本浙江山陰人父徽任建安丞遂家焉瑛性明敏文氣英發景泰丙子鄉試第一天順庚辰

舉進士選庶吉士曹

欽之變入朝遇賊死

吳文元

字善長既寧人成化丙戌進士選監察御史巡按浙江禁奸革弊無所忌畏值鄉試鎮守內官

以試事干請文元摘姓名斥出之杭城火發倉廩食給木植為居陞浙江副使建議海道便宜十事陞河

南按察

使致仕

滕祐

字吉甫康孫成化甲辰進士授行人弘治初擢監察御史疏論傳奉官不宜濫授太常清職不宜濫

及黃冠孝宗追思孝穆皇太后遣使往廣西賀縣訪親族有司漫舉應詔冒官賜宅詔祐往究祐微服至

賀潛跡其廬井丘隴以聞偽者遂抵罪焉

張璫

字孔圭浦城人成化庚子舉人任贛州府推官陞同知時汀卽寇侵境歲饑疫璫竭力拊恤瑞金石

城二縣故無城璫倡築之前後平反死獄四十餘人在卽十三年卒士庶奔哭為之立碑子鵬有傳

袁鎬

字世京建陽人弘治間由國子生任廣東瓊州府推官折獄詳明罪人警服會瓊缺守貳鎬攝理振

紀綱除宿弊罪奸吏所部肅然卒於官

楊旦

字晉叔榮曾孫弘治庚戌進士歷吏部考功郎中嘗考察京職有被黜而負緣奏辭奉旨再覈馬文

升倉卒欲改擬旦曰祖宗來未有此例倖門一開後將謂何竟覆罷陞太常少卿歸省還朝中官劉瑾欲要見不得遂以違限出知温州提督浙江學政瑾誅陞順天府尹時武宗未建皇儲與九卿具疏請擇宗室之賢者育於宮中尋奉勅總督京通等倉適回賊犯邊甘肅驛驛奉勅督理糧餉陞總督兩廣軍務兼巡撫番禺清遠河源等縣蕪岡十八山滴水巖等寨猺獠負固旦調集官軍土兵分道並擊斬級萬一千有奇俘獲四千一百有奇奪回被掠男女二百三十餘人牛馬輜重不可勝紀璽書褒異以母喪奔歸嘉靖初起掌南院陞南吏部尚書旋改北會桂萼張孚敬以中旨陞學士旦率部院疏論忤旨遂為陳洸所誣有旨令致仕科道交章論薦不報旦奉母至孝雖貴顯不衰年七十一危坐而逝

丘魁

字文元浦城人弘治壬子舉人任奉化咸寧二縣其在奉化歲歉請於朝蠲民租在咸寧擒賀堪廖

章二賊丁艱補宜城以忤當道解印賦歸田二十詠自號景陶子

楊崇

字遜夫榮商孫弘治戊午舉人任刑部司務疏諫武宗南巡廷杖尋改吏部主事陞祠祭員外郎出

為廣東按察僉事改滇南乞休歸

滕霄

字子冲建安人弘治壬戌進士歷官修撰預修國史進講經筵每至進退人才之際必再三敷陳尋

陞洗馬為文章純正典雅館閣咸推重之

范嵩

字和彥甌寧人弘治壬戌進士授寧國府推官六台豪利某殺人不法嵩廉得其狀置之法豪持重

賄入賂劉瑾瑾詐旨建嵩至京未推鞠豪已斃獄事得寢擢監察御史補襄陽府司理累遷廣西兵備勦捕賊首黃武夫等改補廣東擒臨高縣劇賊王來等俘其餘黨空其巢選兵壯立營防遏萬瓊黎賊出入

之路累陞右副都御史巡撫四川時番苗據險為亂
高遣將運謀先後斬獲賊首擦古等六十九人擒獲
陳汴等四十三人因請修建武學畜養將才
以備邊陲南工部侍郎致仕年八十餘卒

雷仕檀

字季芳建安人正德丁卯舉人知安順州安順
故羈縻地仕檀以漢法誘治之土酋皆聽命襲

冠帶受約束遣子弟入學有指揮縱奴殺人匿其尸
仕檀置諸法擢河南府同知賑饑捕蝗如不及以餘
力斂才訓兵遷吉府長史從弟仕柵字元芳成
化乙未進士以戶部郎歷浙江右叅政致仕

楊易

字乾叔建安人正德戊辰進士歷官戶部員外郎
嘉靖中議大禮易與同官爭之廷杖尋陞雲南按

察副使易博雅好古有
嘉會詩稿石雲困學集

張鵬

字博南瓊子正德辛未進士授戶部主事督馬厰
劾中璫私貨影射之弊又諫武宗東巡轉郎中乞

歸養以美錢萬緡留庫嘉靖初應陞山東副使監司
欲以賄脫二重獄不從自免歸龍泉山寇逼城鵬與
有司力圖守禦年荒給米活餓者
觀風使者力薦以疾辭年八十卒

李默

字時言甌寧人正德辛巳進士選翰林庶吉士嘉
靖改元改戶部主事陞兵部員外郎差閱大同軍

士戰馬鎮卒素剽悍經畧侍郎胡瓚措置乖方軍大
譁默請亟易帥變乃定調入吏部議復劉基及常李
湯鄧四氏勲爵常因計吏條上地方事宜論次輿地
圖數卷凡形勢要害兵賦修攘之畧悉具世宗嘉悅
因辨論賓禮位次忤兵部尚書王某謫陞寧國尋起
為浙江左右布政以薦陞太常卿歷吏部左侍郎庚
戌秋燕京戒嚴默防守正陽門敵退擢吏部尚書會
擢張臬為遼東巡撫而臬舊與嚴嵩忤咸寧侯仇鸞
亦以請托不遂交讒之罷歸後鸞以逆誅御批起默
吏部尚書眷注益隆加太子少保歲當大計戒門下

無得通賓客高湛不悅侍郎趙文華求為大司馬不從乃擬部試策題為謗訕而嵩主之誣奏下獄尋卒趙文華入京前一夕夢出軫長數尺占者豫知為妨正蔽明之象隆慶初臺省岑用賓等訟其冤詔復原官賜祭葬萬厯中贈太子太保謚肅愍錄其孫鈐入監讀書所著有韋玉樓稿孤樹哀談建安人物考朱子年譜行於世

雷燮

甌寧人正德末以貢士知平樂縣值徭獍羣起民棄家逃賊依險自固缺知平樂縣值徭獍羣起民

貧無牛種者給之流亡遂復

季琦

字師韓浦城人嘉靖六年以貢任開化丞置縣事遇山寇倡儼出奇兵捍禦境賴以安歲饑捐俸賑民卒於官

李必昂

字時望浦城人由選貢知祿豐縣擒賊楊泰等又討平鳳姐等賊受上賞先是賊蹂躪六縣一

州祿豐孤城人無固志必昂勉以忠義悉力拒之賊數戰不利遁去擢守趙州補劍州以母老乞歸年八十卒

張爵

字允修浦城人嘉靖甲午舉人判南昌陞台州同知倭寇逼郡常事閉關村落萬衆號呼城下爵開

門納之又督兵與倭戰於檢橋大敗之撫按薦其能竟以勞邁疾卒士民哭而碑之

周鳳岐

字文徵浦城人嘉靖乙未進士授紹興府推官陞刑部主事以忤中貴出為太倉同知歲巨寇

林成等七蒲等塘轉兵部郎中解綬歸

朱凌

字原父熹十一世孫嘉靖辛丑進士授戶部主事督九江稅見所徵嘗溢額遂議減之會楚地饑民

多流離奸豪以賣掠子女為利載之九江關嚴不得出輒溺之死凌寬其禁檄所司修荒政禁掠販全活甚衆後官至陝

西按察僉事

楊棐

字賓周建安人嘉靖癸丑進士起家峽江令歷肇慶守會廣中有羅旁之役督府令高要市馬百棐

曰高州乃有善馬馬足三四十金高要安得金三四千而令市馬百乎卒減十之九後卒於官士民如失

怙恃賢者亦望府門而

哭喪歸奔送為罷市

林命

字子順建安人嘉靖癸丑進士歷知潯陽金壇俱有聲擢諫垣疏議革冗官復條關中致寇六事得

借留都積帑及關中屯鹽賦四十萬餘以充軍餉出叅楚藩晉廣東廉訪為忌者所中左遷金華推官量

移南部解組歸著有正氣

錄春秋訂疑陽溪堂集

朱奎

字元聚熹十一世孫以貢簿高安有負贖鍰者辰加朴至申而納詢曰何速也曰鬻妻奎還其鍰召

令完聚陞思思經歷招安八寨單騎循行酋長感泣曰朱公清正後不敢犯尋免歸

徐浦

字伯源浦城人嘉靖癸丑進士授弋陽令奸民葉世豪聚眾煽亂浦設方畧擒其渠魁三十餘人餘

黨悉定擢工科給事中
出為廣西僉事解綬歸

江龍

字世霖建陽人嘉靖乙卯舉人初判南寧遷左州知州以薦改知鬱林時州苦積荒龍力為申轄歲

減二十有奇又革除斗級請保牛稅諸不便事陞高州府同知議足兵糧守要害禁鬻子正黃冊當移調
未赴
卒

陳紀

字仲理建陽人嘉靖丙辰進士授漢陽令調鄖縣是時督帥方欲招撫王直大索諸縣牛酒犒師紀

白罷之入為貴州道御史三疏時弊世宗嘉納陪祀郊天以執禮忤嚴嵩意出分守嶺東道大帥妄殺獵功紀發其罪狀歷漢陽副使以父老乞歸

謝璿

字天儀建安人嘉靖戊午舉人授懷寧教諭陞石城令適海寇猖獗率兵殲其渠魁賑饑掩骼有嘉

穀

一本九莖之瑞調

潮陽著有冰玉軒詩

黃嘉賓

字子揚崇安人嘉靖己未進士知常熟縣邑有福山白茅河為豪家所據水利壅絕嘉賓欲圖

疏之會鹽豪結黨營私布賂官府有司莫治嘉賓以計擒其黨語之曰汝輩作姦法當死若能為我疏白茅河者吾出汝罪衆喜皆刻日受地河流復故既事乃召其豪杖殺之而赦其子與其黨與上官才之擢

戶部

主事

黃大年

崇安人嘉靖辛酉舉人歷知楚雄府以平緬甸功進開西副使督理寧夏累遷陝西按察使視

事三月

乞歸

陳烈

字思紹建安人嘉靖壬戌進士授紹興府推官勢

貴人又抗論執政出守處州甌堤濬堰均田平賦擢廣東監軍副使督諸軍擒斬惠潮劇盜藍一清朱良

竇等以親

老乞歸

滕伯輪

字汝載既寧人嘉靖壬戌進士今番禺海寇方

熾伯輪稽保甲備樓櫓教技擊築外城以禦之邑賴以安入為戶部郎督學兩浙聲教整嚴厯廣東

臬藩擢都御史操江南京條上江防八事督撫浙江值歲凶開倉告糴疏請改折漕網停減織造並報可

海鹽塘堤壞發帑修築島寇餘艘驟至率諸將駕樓櫓擊斬無算事聞思齊有差尋卒

贈兵部左侍郎廕一子諭賜祭葬

徐栢字宇卿浦城人嘉靖壬戌進士授戶部主事筦通

州二倉值米價湧貴令輸者納緡俟價稍損則轉

羅充庫官民便之歷員外郎中徐州沛河決工部尚書朱衡知其能移咨擢用贊襄疏濬分署六年出守

廉州嚴飭海防授湖北右叅政尋罷歸

朱東光

字元義建安人隆慶戊辰進士知平陽補祁門以卓異擢戶科給事中出督河工擢廣東副使征海蠻有功給賞為有力者所擠奉母家居十餘年起為廣西叅議討平猺獞陞廣東叅政復以禦倭功加俸請老歸著有訓政編行世

黃應龍

字國瑞既寧人萬曆癸酉舉人為長葛教諭陞知岑溪縣拒李鎮守兵餉常例撫陳三峰渠寇

造黃華橋邑雜猺獞俗尚刁奸應龍鋤奸剔蠹民用安堵離任日軍民遮留之

陳應熙

字仲穆既寧人萬曆丁丑進士授潮州司里折獄多所平反擢戶部郎權河西務中官撓政商

賈不通應熙上其罪置諸法尋監兌湖廣歲大歉請
易漕粟以折色於是得留穀萬斛陞員外郎卒孫國
倫萬歷進士以戶部出守
杭州廉介有風裁以憂歸

徐民式

字用敬浦城人萬歷庚辰進士授松江推官時
宰子弟怙勢為暴鄉邑民式曰宰臣平章天下

司理平反一邑今里閭有不平非元輔所樂聞也悉
捕置之法入為戶部郎外補晚邸擢光祿少卿歷銀
臺同寺巡撫江南時吳中田土十九入縉紳家貧民
復投托寄戶不供徭役民式請均之以省覲歸擢大
司農卒弟民
俊萬歷舉人

趙旻

政和人以貢司訓蘭溪年老解組督學
再留講學壬戌倭犯境被執不屈死

徐萬仡

字抑之浦城人萬歷癸未進士授金華推官遷
荊州府同知荆有門攤役行賄居送取給民間

萬奴為設九等法令民季出金吏自辦之推戶曹司
推崇丈門入義金千餘出守海寧罷門稅農民例金
千餘以贖鍰佐諸邑備邊餉

葉河防三十餘處卒於官

袁文

紹字綱菴建陽人萬厯庚子舉人德化教諭陞國
子監學正歷戶部郎中以剛方忤權貴掛冠歸

林居二十年詩酒自娛立家塾
以教子弟弟文超親執經焉

朱洧

建陽人萬厯庚子舉人教諭浦江遷景陵令邑值
水旱蝗災洧捐一切逋負請改行海運以蘇民困

卒於官貧無
以斂民哀之

翁懋勲

字瞻所崇安人以選貢為賀縣尹時山寇徐金
柱據黑松峒肆掠前守為備甚嚴懋勲至撤守

兵曰此吾民也何敢為此乃以十餘人從策馬入峒
諭以恩信賊就撫峒遂平歲旱捐俸賑饑新學宮課

士悉心教養者三年卒
於官賀人立祠祀之

蕭鳴盛

建陽人萬曆癸卯舉人初令靈山補仙居所至
有善政後任三原有賊將犯境夜二鼓家人熟
睡鳴盛密取印懸肘上率壯卒數十人出城奮擊賊
遁去黎明還縣無知者衆詰其故答曰古人國爾忘
家若家人知必
多糾擾事去矣

吳文贊

字景臯浦城人以邑庠入胄監授廣安州同知
攝守事川東妖賊起募善射者發連珠弩伏殺
渠魁二十餘人餘黨宵遁子鍾
英萬曆間北闡舉人授松陽令

魏濬

字禹卿松溪人萬曆甲辰進士初授戶部主事陞
郎中出為廣西提學陞江西副使尋乞歸起山東
布政司叅議遷湖廣按察使時黔蜀交訌苗蠻礦徒
表裏為患濬諭以德意礦徒解散焚其巢千七百餘

所陞江西左布政擢都察院右僉
都御史巡撫湖廣病卒年七十二

真憲時

字侯法松溪人萬曆甲辰進士授刑部員外有
中貴從子田德以事下獄賄憲時千金叱却之

論如律歷陞江西督學山東按察使分巡霸州嘗請
蠲違餉數十萬以甦民困舉卓異入覲推巡撫以論
魏忠賢專政忠賢矯旨削籍崇禎
二年復原官推寧夏巡撫未赴卒

黃大鵬

字南溪建陽人崇禎庚辰進士授龍游令時義
烏兵叛逼龍游城下大鵬單車諭之餘黨解散

後守仙霞關與鄭為
虹同殉難於浦城

國朝

袁文超

字彥穎建陽人順治戊子舉人除曲陽令有惠
政邑人祠祀之以掛議歸杜門謝客康熙甲寅


開耿逆變逃入福先山寺次年逆黨勒解赴省逼降不屈幽囚獄中擬重辟丙辰逆平乃出卒年八十八大學士李光地銘其墓著有旅嘯集聞見錄等書子襄字轉之由監生考授州同文超為寫逃所誣就逮襄隨入京鳴父冤刑部巴特馬廉奏釋之京師有廉吏孝子之目云

鄭重

字山公建安人順治戊戌進士初令靖江邑為馬馱沙故道三面環江壤接泰興如臯地皆窪下重

濬栢城石銳等五港以資蓄洩復疏七十二支港漚灌園河三邑永無水患擢行人選吏部主事歷四司郎中嚴明簡要中外推之轉鴻臚光祿少卿通政司左右通政遷副憲公慎自矢不縱不阿擢刑部右侍郎轉左侍郎檢閱諸司案牘多所矜釋甲戌冬卒於官令靖江時分校文武闡戊午陝西典試戊辰會試總材所得皆知名士居官三十年精白如一室無侍膳所著有霞園文集京華草奏遊草越使吟文選集

註行於世
祀鄉賢祠



福建通志卷四十七